

Atur Naka Ekanisa Loka Laodikia

Jeffersonville, Indiana, USA

60-1211E

1 Kwana mam nges abu kongetak ngun. Abu eong atema ebe, "Eyapit eong kanuka edukone ka... Aurunitai keyapitai auruun mot nepetai, eyapit eong mot kanuka epucitika loka edukone, korai ti eong araun loeyapi kanuka anukioka!" Ngin bon cut akoto eong araut loeyapi kotoma, aiyap noi.

Mam, arai einer osimu otogo, mam eong apedori anyoun awai, kapatan. Kosodi akaulo naka akaberu ka kes alingakin anyoun sek, ajaatar eong iboro luepu. Kosodi do alipanakin itunga, luaboisio nuegelegela, kasodi do kwana alomun toma; kosodi apukokinio naka Ejakait abunore kanuka onac; inac luebwoiete kokau kangina, kodekas; ijani ijo nuapeleikinit eong, erai alosit, alosit, alosit, alosit. Ido mam eong adumunit arereng aiyoganakin kede ice kotoma opaperoka kane ko Georgia ka luka aiboisio nuegelegela airimor kere, ko Canada. Apupi eong erono noi kanu mam adolokin aijang akusikanin.

2 Ido, ejaas ber ngun da, aibo ejai Fred atupuruc na, Fred Sothmann? Fred, iitunit ijo apak ngin naibu ijo konyarara eong ko Canada, ijai ijo abunore, kasodi eong alimokin ijo mam abunore kede emotoka? Ibu ijo kobu kwape kwangin; abu kodum akangas, bala...abu komuna ekemotoka, bala tiearit akeberu, ekekal, abu obwang ekekume, kosodete aiperikin kes kere adekes.

Apak edit kau neajar eong anyoun, cut kiding paaran, abu Onac Ben lo abwoi kangina, kobu neajar eong. Kosodi Rosella abunore ngina, abu ngesi kotema ebe, "Ajai eong alosit ore."

Abu eong atema ebe, "Rosella!"

Abu ngesi kotema ebe, "Inyobo ationis, Onac Branham?"

Abu eong atema ebe, "Eyalama eong noi kanuka ngun." Ianyu?

Ebala, "Idiobore elosi aiswamaun?"

Abu eong katema ebe, "Mam eong ajeni. Esubit kaneka bala, abu Icebore ikwenya eong."

3 Abu ngin kanyara eong idakikan idis kau, abu ngesi kodumunite akangas. Ido kanuka ngun, amamei yenemusunguna, konye arai akan naka Ejakait. Ido abu ngesi kojurutaar (ejai kwana akako kere kAgolitome.) kosodi ngesi acetor ko Idianapolis, kosodi ageun ajurutanar awai naka erot katipet noi koipone *ka/lo*. Kosodi ngesi ailulukin, "Wu Ejakait, kingarakinai eong!" Kocakun emotoka abongun owai *lo bobo*, abongun kosodi alosit okokoroke lokabeit, ido abala ngesi ebe, "Ikatunga, ikatunga, eipone loeyalamar eong alomun kotoma ngun, naarai eponitos emotokan ace da kowai kangopekangol, eporitos cut." Kwangin abu ngesi kolot osiep naka erot kosodi abwoun kokuju kangina kanu...Eyuunit eong, icebore abu nges kobwou kanu alemun eikopo loka amajaani arai icebore. Ido naperoko ngesi kelomuna kinga komotoka kangol, koretokin emotoka ece kauke, ojai ece kokauke kangol cut, ojai bobo ece kau naka ngol, kosodete kesi kere atukokin. Konye abala ebe abu ngesi ijangar mot, konye mere erono noi, konye akoto ngesi aisiyalamikin Ejakait, kosodi ainomun ka alimokin ekanisa aisiyalamikin Ejakait ebe mam nges abu kimusungun arai idiobore, kosodi ailip ekanisa ainyikokin ailip tetere ngesi edoli ore. Itei ijo, erai ngesi akerengean naitet, eyapie neadumunia ngesi alasisike. Kwangin, eyalama do eong.

4 Konye duc ejok acamunun akwenyanareta ngun nuka Ejakait. Ebala, "Eebo," abala ngin ebe, "Ti eong katwania aswam naka apaaran adiopet." Inyobo aswam naka apaaran adiopet? Abu koyangaik adepar ngin kanu aitemokin emotoka, itei ijo. Kwangin ejok noi kanu-kanu ainakin ijo...asalakin kede Ejakait. Ngin mam edolit? Arai kilimok Ngesi oni idiobore, ejok oni asalakin kede Ngin. Naarai edolit duc Ngesi. Biai mam Ngesi abeit? Edolit apaarasia kere!

5 Kwana, oo, erai lo...araun lo esabiiti lokaumokin noi kwangin. Mam eong ajeni eipone loebeitor aitetemun akaipup mama ejai Edeke ka yesi da itunga kanuka esabiiti kalo lokaumokin. Araunosi nu acie kapaarasia akanykauni nuka aiyalama kakere nualimonokitor eong kotoma aijaraka. Erai ngin abeit. Esisiau eong nupu nuka Ejakait ka nuka aitimetaKe, ka ngun kere nuesomaiki Ngesi oni, ka aanyun da Ekemoyo isomai kokanisa. Ido eyalama eong noi kanu aanyun ainakineta egeunete aswam kotoma okanisa bobo. Iany?

Kwana, kijaun ijo nen irwan adiopet, naimameunor do jo, esubit kaitebeikin bala elomuni icetunganan toma, abunere amunaar ngin, ijani ijo, egeunete kesi aswam idiobore kere. Ido naimwangia ijo ainakineta ngun, emuangi Edeke da ijo. Ianyu? Erai abeit. Ejai ijo aitetenar ngun. Ido, eipone loikotor oni ngin nges nejaar toma ainapeta, epone loineratar kesi ka angajepa. Mere aitik Naiwadikatai Obaibuli bon, konye alimun ibore yenebeit atakanun. Ido arai ibuni cut ijo anyikokin asalakin it iyapaara kede ngun, epote do ageun...Arai kenyou imodiotunganan awai naka ainapeta kotoma okanisa, elimuni Emoyo Lokalaunan ngun cut katipet ka alimokin kes yenerai ngin. Ido kanen, epote kesi-kesi apupun alecorio kosodete alosit otem. Ngun kes ejaatar ainakineta ngun.

6 Ido asesen ekecokoniwok kane, Onac Neville, arai ngesi loakuriana, eipone etelepat kalo esonyaikit. Ido mere ber eong alimok yes, arai ngesi...asubit ngesi bala mam arai loapedori aidongakin ngin

neadolokinio Pentekosit. Konye aanyun nges enyouni kosodi aijul angejapa ka aidwar da, mere ber eong alimok yes, ebunit ngesi kaneelwana. Eebo. Elipanakisi ekecokoniwok.

Ido, aanyun, ainakineta egeunete alomun okanisa. Ka onac ece, loiyapaara kane, ejai ngesi ne, erai ngesi...ekoto nges kojai ne nenice. Aomit eong ebe ejai ngesi, ejaenena duc ngesi. Erai ngesi ekesa loiyapaara noi, abu sek korai lomunot kane kokanisa, Onac Hagginbotham, etunganan loketiai, loeyongit Edeke. Ido aanyun ebe adumu ngesi ainakineta naka einer kotoma angajepa, ingai eomoomotor ebe ti Onac Hagginbotham iswama ngun? Ekesa loakuriana, loesonyaikit, mam epuda ajenunio, kanenice kere, iboie kokau. Konye, koany, epedori Edeke alemun etunganan kwape kangol kosodi atwasam nges, itei ijo, naarai mam ber nges akoto aswam ngun kageunet ber da. Karai ngesi okoto aswam ngun, aticepak elomuni ngesi kinga kede esaati loisikisikakina. Konye alemar bon naelomunia ngesi kiton adoketait namam nges ekotor aswam ngun, aticepak epedori Edeke aitwasam nges koipone kangol.

Ejai Junie ne, ejai ngesi...oo, ejai ngesi kau naka epir kamaka.

7 Abuni eong alimun na, apupenen eong itunga luipu ineraas kotoma angajepa. Ido aomit eong elomunit ngin kere kama ejai Edeke, naarai mam ijo ipedori acelanar komam ipeleikinit icebore nejai icetunganan, kanenice. Ijeni ijo, ebala Ebaibuli ebe, "Emamei aruo naemamei apolou," akepolou ebe emamei aruo namam epeleikinit icebore. Aumokinit duc eong eipone loepedoria ngin ajaun kiton nealosio eong Afrika kasodi eong apupun acalanar ngin kere. Kasodi do eong ejenun ebe arai eporoto loka icetunganan. Acepakio erai eporoto loka emalaika, kacie da.

8 Konye Junie Jackson, ekurie, loesonyaikinit, loeleucono, ekalimonokinan lokwap kokinga kangina loka okanisa loka Methodist kokwap cut-kokwap kotoma Elizabeth, Indiana, kokau kangina kotoma amagoron. Elilingi komam akoto alimun imodiobore, kosubite bala loisonyaikinit, asubit bala ti ngesi...aanyununei eong kacepakio, akoto eong alemun ngesi, aijangun ngesi, ebe, "Kolim modiobore Junie, itei ijo, kinyek aiboi kanen asesen eong koipone kangol."

Ipedori sio aiboi kokwap kangina kokinga kotoma amagoron, ido apedori ngesi aiboi kanen kosodi atemar ebe, "Eebo,...aomit eong...ejok ngin."

9 Apedori eong ti alimun ebe, "Oo, Junie, apupi eong-eong bala 'ti eong kalim ngin kanukon,' itei ijo. Iyapi ijo-ijo noi kanuka, itei ijo." Kosodi Edeke ainakin nges a-a-ainakineta naka einer kotoma angajepa; mam eong apupunitor adiongajep bobo naidelelele kwape kangin kotoma aijaraka. Ianyu?

Asesen Nges kokanisa. Asesen aberu ngin inera atupuruc na komam ajeni aberu nace ya? Ido komam adiopet ejeni nace, ka na, aruo naka eporoto loaponi kolimunai kotoma; ido naejulunere, kotoma aruo ngipengin, anyukutan nueruosi, aibeconokineta; koputosi cut, abongun. Ido etekooro aisiiraret, neejai ekanisa. Koany eipone loejaar ngin? Kwana, ibusakinit oni aisiyalamikin Edeke. Kwana, mam idedeuni akonitorob. Arai kiswama ijo ngun, ibuni ijo aijesar akonikaun, ido ebuni ajokit aikamun ijo. Kiyapaar aiyapaar bon; kotema ebe, "Wu Ejakait, kibwaai eong, mam icamakini eong anyoun kuju eroko apak."

Mam Nges kicamakini ijo alomar kinga naka ainapeta. Arai kiswama ijo ngun, acepakio, mam ngin ebuni-mam ngin ebuni araut ibore. Arai iswama ijo ngin, kanukinyo, ebuni-ebuni ekecokon kane alimokin ijo. Itei ijo, mam a-ainakineta ebeit ajaun apak na...apak nailimonokina ijo. Duc, arai egeutu ainakineta aswam ejok kotoma okanisa, ejaun oni airiamun apak naeaja eroko aijanakin nace; kiswama Ejakait kede yes kanen, itei ijo, naarai do kotoma owai kalo mam ebuni aitolitol ngin nepetai da. Kwana, nakijaar oni atukos, icesawan ejaun ber ijo ainapakin motimot. Konye arai ejaatar Edeke kaisiiraret, kanenice arai lai je itolomuni Ngesi ngin kinga, itei ijo, kojalak Nges Elopit, konye iswamata ngin kwape ejaar aisisianakin naka Ebaibuli. Ido ebuni Onac Neville aticepak alimonokin nuikamunitos iboro ngul, naibuni oni aitam aswam ngun. Abuni eong aitam aingarakin nges kwape kipedoria, isio iarei kere nepepe, aitolomun ngin ka aitodikin ijo eipone loebeitor aitwasam ngun.

10 Ijo ipupi ejok, onaceka loka Poland? Ejokuna noi. Oo, eipone loabu Edeke isirerengio nges! Ikar ikanykauni kau, abu kolimok nges ibore yenalosi aiswamaun. Etotolikina ngesi cut, etunganan loka tirinita loaricakina. Kosodi Ejakait atemar, apaaran kaya ebe, "Ejai etunganan loebunit, ejaatar ngesi kitim luiiriko ka akonye nuarengak, kouriana ido kolangir. Mam irengeari nges, ejukunit Eong nges mamakon." Abu eong alem Naiwadikatai Obaibuli naetotolikinar ngesi, abu eong kewadikaik apapula kasodi aiperikin nen. Ipak edit kobuni ngesi.

Abu akaberu kotema ebe, "Ejai etunganan kinga ngina kanu aanyun ijo."

Abu eong atema ebe, "Nges ngol, koyangau nges cut toma."

11 Kosodi ngesi-ngesi alimokin eong nuaponi kolimokinitete nges kotoma...kokwap naka ainyonyoikinio naka Emoyo Lokalaunan. Eipone lo duc eyuunitor ngesi ka adongakina neejai Aisiiraret, kacie da, kakidingos naka iketunga; konye kitoronitete, abu ngesi kosalak cut kede Ngin. Ebala, acepak kau, kotoma airiamun, ebe abu eong enerakinos kede nges kasodi alimun ekekiror. Ido eipone loabu eong alimuna ekekiror, mam eong ajeni. Ebala ngesi ebe ajai eong a-alimunun anyukutan nuka okirorike

adiopediope, arai ibore yen arai ice, kotoma airiamun. Ebe adakit ngesi ikoku kakanike yenajaatar angole koreeteke, kosodi atemar aponi ikoku kitangaleunai cut kaileleba. Ido eipone loabu Ejakait...

Kasodi eong atemar ebe, "Eebo, ibore yenipuda ijo kwana ngesi alosit okanisa kosodi aibatisaun Kokiror loka Yesu Kristo."

Abu eong keriamunos kanges apak edit kokau kokuju naka emoru, naarai abu ngesi kobu kwap, aponi kibatisai nges kOkiror loka Yesu Kristo. Kwana isimonikina do cut, kopupi ejok, ebongori ore. Amuno eong ebuni ngesi aijul kanukang ko Paland adiopet kotoma apaarasia nu, ka Germany, ido kotoma, kokau kangina kotoma aiboisio kangun kangina. Kisirereng Ejakait ijo, onaceka.

12 Iboro luipu noi luebaraara luiswamae Ejakaitiwok Yesu! Koany ber ijo Ake-Akeitim, eipone loejaar ko kide, to, agolitome, ngalakimak, ingarenikit Ngesi Ikedwe luminan; aimorikikin nepepe, aitolomun kinga, aijangun kwap. Ipu nuebeit alimunio!

Kwana, mam imurwokini, akuar Nasabiiti naebunit, ibuni oni ajaun kede...atupuruc Nasabiiti naebunit, atemasi, aijanakin naka aitangale. Apolou nabalar eong kwangin, aticepak arai kipuakata kanuka atupuruc Nasabiiti ajaun do eong kede akuar Nasabiiti kanu ainyikokina, itei ijo. Konye arai apedo eong alemun kesi kere kinga Nasabiiti tupuruc, eebo, ejok.

Akuar kaNaiuniet erai ailip naka akidingos naka esabiiti. Kwana, neiijaas yesi itunga luojaas ne ore, yesi inacan atukokin toma ne, ajaun kede atukonokin naka ailip. Mam itwaniari ngin, kosalak cut kede ngin, itei ijo. Kosodi ailip, aimo aikunyakini die neejai Edeke. Mam icamakinete aikerepikinit alomun akidingosikus. Koric...Ejaas nuipu nukabeit nemam ebeitor acamun aingal, itei ijo, mam-mam ilosi owai lokaronon. Kosalak idolit.

13 Abu eong kapup "Amen" naejena napupunun eong adaun ikar, Onac Rusell Creech. Elimokinitos kesii eong ebe arai Patty nges enera kotoma angajepa kokau kangina akuar kaya. Patty, aibo ijai ijo? Ijo ijai ne, naminat? Eebo, ikatunga, mam ti ber eong apedo ajenun ngin da karai eong ti aanyun nges. Konye acamunit eong ebe adakit eong ikoku ngin kakaninika kasodi aititingikin nges neejai Ejakait, kanepokane. "Ido erai ngesi apese," abala Meda ebe, "Nadidi, ibus, apese nadidi atumunan," kede apedor naka Emoyo Lokalaunan kamake, inera kotoma...Russel, irai ijo etunganan; loibarit. Eebo ibarit ijo.

Aibo ejai Inac Creech? Mam eong aanyunit nges. Ngesi ejai? Kau ngina. Oo, Inac Creech, eipone loeyalamar eong ebe ainaki Edeke ijo ikoku kwape kangin, inyobo, mam ijo ijai eipone lo-eipone loeyalamar eong. Kotoma apak naicicinar apesur ka akiena ido kolosete iingaren, ijai ijo, kede atukos naka ikesa kaluemamei aijen, ikecetim lurionok luetubub ka nginibore kere, koipone kangol; ka ikoku yenididi yen kane kede apedor naka Emoyo Lokalaunan, inera kotoma angajepa kane. Oo, ikatunga!

Uum! Imwasi bo ai ikiliok akuare na, ikalimonokinak luka Pentekosit, lutikeinakisi akecejar kere karai ti kes aanyun ikecepese yenikatumunan, yenelosi kinga opucit loka rock-ka-roll, iswamai ngun.

14 Kitarau ber ijo ngun nuketiai, onac. Ajeni eong nuiswamaete yesi kanen Korot Lokapolon loerucokinit ibugai luka akwapuwok, eswamat eong da ibore ngipengin, eswamat eong apaarasia nuipu nueninik, konye, onac...kanu aitopoloun idwe ngul. Konye kiitu ebe, erai Edeke lomunot. Eropi Ngesi. Eebo, abeit cut! "Abuni eong atacakin."

Isirereng Edeke ijo, Patty. Naminat, mam-mam ti eong kajen ijo karai ti eong aanyunit ijo, aomit eong, konye mam cut ijalakini erot ngol loitenera, naminat. Mam icamakin ajokit aibwaikin imodio-imodiobore tomakon, kwape araito naka esaabu, naarai ebuni ngin araut enimu, itei ijo. Acakakin ibore kosodi ajalakin ngin koipone kangol. Idetak cut akonyekon neejai Kristo, toma nepenen Omusalaba. Kosodi ainyikokin alosit iingaren, naarai eyapie apak. Ianyu?

15 iboro luipu luka aisinyikonokin lutikapedo eong alimun, arerengusio nuka Edeke. Mam eong apedorit aipejonokin itunga luipu, ido esabiiti lo kere mam eong elipanakit itunga adepar akaisakany, aomit eong, ka luepote toma kolomarete da kinga, ka nukengeso ka nualomutu toma, kacie da, konye ajai lem eong etaarikina aisisia. Konye kwana, Asabiiti naetupakini, ibuni ajaun ailipanakin itunga, ka ailip Ejakait aijesun kwap ka ainakin oni apedor naepol, kosodi aitoduun Elopel mamawok atupuruc Nasabiiti naetupakini, itojok Ejakait.

16 Oo, angara eong ageun atur na naka ekanisa naarai ajeni eong erai nges nakawasia kotoma ngun. Ido kwana, kotoma kana, elosi ajaun a-angetakinio naka Aturio Akanykaarei nuka Ekanisa. Yesi inumunumata ngin? [Kobongokini atukos ebe, "Amen!"-Ekewa.] Kwana kiitu, alimuni eong kangeset kwape abu eong alimunitor kageunet, epedorete ajaun iboro luipu-epedorete ajaun iboro luipiu luteni cut mam ijo ibu kocamanarotor kede eong kagogong kere, konye mam imarakini ngin mamaka, itei ijo. Kominu eong aminun bon, keja ngun da, naarai mam ebuni aiswamaun adiotiaketai nuibuni ijo aswam arai nuibuni jo alimun, ebuni eong da aomoom kwape kajo arai ejai idiobore, yenyatakina, itei ijo, arai ejai idio, abuni eong aomoom nuipu nuikamunitos yesi. Konye amina eong yes, ejeni Edeke ngin, emamei itunganan yeniworoi Ekiror loka Yesu Kristo dimarai ejai eong aminun nges. Ianyu?

17 Mam eong akoto adiodwaris arai aitapalaunit, karaida kipedori amamus acamanar kagogong noi. Arai kiboie oni komesa onyami idiopet eipone ediopet loka araito, ka yenice da, loce, ti ngin eputos kwape kane, itei ijo. Needolokina eidicane idiopet ka yenice, aminanara oni idiopet ka yenice. Ido arai mam oni iswamai ngun. Ido arai...emamei cut neibuni oni aikunyakin kotoma Edeke kiton nakiswamauna oni ngun.

Mam imurwokini, mam imurwokini ainakineta ngin nakaumokin ka ainakineta kere nuka amin. "Karaida kener kede angajepa nuka itunga ka imalaikan, kainak da akakuan aicweio kwape asubanit, amisiikin aijen kere, kaceda, mam eong arai ibore. Aso...Konye kebu ngin naitekooro, naerai amin..." Arai mam ainakineta ngun nukomoyo ilabaaritai kede kamin, mam epedorete aikamakin. Ibore ice yenikilabaet kere egiyamun acakar awai, "Konye inyikokini amin apaarasia kere." Itei ijo, erai nen Ikorinton Losodit 13.

18 Kwana, akuare na, kilomari toma atur na nakapolon naka ekanisa. Oo, ikatunga! Kwana ipedori ni adolore nepetai adakikan atomonakany akaulo naka (akuare na) isawan iuni. Ido kwana abeit cut kitimo ebe imameotor oni aiboisit nailosikina, konye...kanu aisipokin ngitunganan, aisiboikin ngitunganan, atemasi, konye imameotor oni ngin, ido katicepak acepaaran kijaunor oni.

Konye akoto eong ijo aiswamaikin eong asianut. Isesenete yesi akabwoetaid ido ijenete yesi nuebuni ngin ayangaikin eong kacepaaran, itei ijo, ido eyapie esawa noi. Ianyu? Kwana, akoto eong ijo aswam nu, kilipanak duc eong. Ido kiitu, abu eong karai lomunot kwape tikapedoria eong araut lomunot, teijo. Ido ajeni eong ebe mam bobo eong aringa arai ikoku, arai kwana ikar akaisakany kidiopet lukapolou. Ido eong-eong apak ka...mam eong apedori anyoun kiton kito Edeke anyaraar eong. Ido abuni eong alosit kopone loekotor Ngesi eong alosio, kodaunos ngun. Ianyutu? Konye ibusakinit eong araut lomunot kasodi einer Abeit, komam apod idiobore. Kwangin do ajeni eong erai alosit kwape obonipe kacepakio, konye alemar bon naejaatar Ngesi kajo, nanyoin atiaketait iswamauni ngin? Itei jo?

19 Kwana, eroko oni kelomara atur na nakapolon naka ekanisa, mam eong ajeni arai ipedori oni aibwo kwana kanuka ailip, ipak edit bobo. Einakini ngin ijo asubit ber bala irior mot kosodi apupun ejok. Kotoma aijanakin naegolokini, ejai kereka...Imwasi ai kane ipudasi aitunio kakonyen nuka Edeke? Ikeu akonikan neejai Edeke, "Kiitunai eong, Wu Ejakait, kotoma angeset naka atur. Neengetakinor atur kere, kiitunoi eong?"

20 Papakosi Lokotoma Akuj, imameotor isio kangajepa nuilosikina kanu aitetemun aiyalamakosi kanuka Ajakut naka Edeke naajaun akidingosikosi kosabiiti loatubor lo, kanuka iboro luisisiau isio nuikamunitos Ijo, eipone loipukoror Ijo mamakosi angetakin apak kere, ka eipone loisideleleuna Ijo Akonikirot mamakosi. Eipone loidaritor isio Ijo, ido eipone loi-loitamitor isio aitodiar aminakosi, kasodete akurwokin aswam ngun, Ejakait, naerai mam angajepa nuka itunga apedorete aswam ngun. Kanu-...kanu ber aitajar isio, kosodi Ijo...kanu ainakin isio eipud Ijo. naerai iwadikatai kotoma Akirot ebe, "Isirerengitai ngul lueyarit etengei," (kanu bon ayarit etengei, erai arereng) "Eyarit etengei ido kojakite akure kanuka adolit." Kosodi Ijo aitolomun alimunet ngin ebe, "Naerai isimonikinio! Kwana, iyuunit isio ngun, Ejakait. Itimo isio akosinonokusio.

Ido kwape kilomaria isio toma atibong na toma...neejai atur na nakawasia naka ekanisa, naerai Laodikia, akaulo nakidauna isio aanyun Nuiwadikaere ka akiro nukolosek eriakakinos cut becebec. Kwangin, Papa, ijeni isio akonilimunet kotoma adwaranutuKon nakapolon kane, naka atur kana nakawasia, ebuni cut araun kwape ajaatar aturio kwa ace akanykape. Papa, elipit eong ebe iinakini Ijo Emoyo Lokalaunan abunore mamakosi atibong na, kwana, kosodi aisirereng isio kwape kinyikokina aidareunit Ijo. Okiror loka Yesu. Amen. Iboikinos.

21 Arai itojok Ejalait, ebuni eitabo...katipet kwape kipedoria. Ejai Onac Leo alemun ngin awai kotoma katepu, kanu kiton...kiton oitabo yeniidi, kanen kiton neiwadikaere, kosodi do toma oitabo.

Ido keja ngun da, ebuni Rosella aitolomun eitabo, loenyaritai *Etajari Ikamerat*. Yesi kere iitunitos akekiro, eipone loabu Emoyo Lokalaunan onyaraunia nges kotoma atukonokin. Ido arai ngesi...aponi nges opalunai atukono aangon nukapolok nueyaitos nuka ikamerak, kosodete ainger kotoma adekesia nuajaas Chicago. Kosodi Ejakait Yesu, kotoma apak adiopetebon, alemar ngin awai kamake. Elosi do kwana ngesi anyoun kojeera kiton aiboisio ace, alimonokin itunga eipone loepedoria Edeke alakun, kineraas kede ikamerak ka ice da. Apedo ngesi...kanuka akejenanut, eriu itunga luipu nejai Kristo.

22 Kwana, atur nasodit naka ekanisa, ijo ipedori alimokin eong nuarai ngin? Epeso. Naiyaret? Sumuruna. Naikiuniet? Perugamo. Nakiwongonet? Suatira. Naikanyet? Sarudio. Naikanyetekape? Piladelupia. Naikanyetekaarei? Laodikia.

Nasodit arai kiding ekar A.D. 55 ka 170, Epeso. Sumuruna, 170 kiton 312. Perugamo, 312 kiton 606. Swaitira, 606 kiton 1520. Sarudio, 1520 kiton 1750. Piladelupia, 1750 kiton ikanykape...1906; kwana, abu kogeu atur naka Laodikia, abu kilapar, ido akuar natubor apotu oni alomasi mot toma ailaparet ngin. Kwana, ijai oni atibong na, alemun angeset naka Laodikia.

23 Iyuunit oni ebe abu atur naka ekanisa loka Laodikia ogeun kotoma okaru 1906 akaulo naka atwanare

nakaYesu. Kwana, amurwoi...kwana, kiitu, "amurwo," aitelekarit yesi luipupete ateepu. Mam eong abala ebe ebuni araun, konye amurwoi eong ebe engetakin okaru 1977, ebe ebuni ekanisa alomar cut toma apaar ido ebunio nges alekar awai kakituk naka Edeke. Kosodi do Abunore Nakiareit, arai Auruporio naka Kristo, aticepak ebuni do ediosawa. Kwana, apedori eong aibuc ngin kede ekaru, apedori eong aibuc ngin ikar akaisarei, apedori eong aibuc ngin ikar akwatat. Mam eong ajeni nebunio ngin...Konye bon amurwoi eong ebe kwape ejaar kotoma aitapoet naabu Ngesi ketodik eong, kasodi alemun apak, eipone loelosio, abala eong ebe ebuni araun acepak kiding naka okaru 1933 ka 1977. Nepetai, elosi akwap na (Amerika) abwangun ejie loelosi aidupudupoor nges itei ijo. Kwana eyapie ngin noi, eyapie noi noi. Ido apedori eong kebucarite, ajai eong amurwo. Emisikinit inginitunganan kere? Kotema ebe "Amen." Arai imisiikinit ijo. [Kotemari atukos ebe, "Amen."-Ekewa.] Ianyu?

24 Konye abu Ejakait ketodik eong aitapoet naka aberu nakapedor napolon, kokar '33, 1933, ejai toma apapula. Naka eipone loaraar ebe "Abuni Roosevelt aidupor...abu kingarak aidupor akwap elomari ojie." Eipone loaraar ebe, "Abuni Mussolini aitegear ekerurwo losodit neejai Ethiopia ido abuni ngesi aikamar ngin, konye abuni ngesi kawasia adolokin toma oleic." Ido eipone loaraar ebe, "Akaulo akiro kangun auni: Nazism, Fascism, ka Communism, apote kere angetakin kotoma Communism." Ido imwasi bo ai luejaasi luitunitos eong enyikokinit...ainakin yesi aibwo, kasodi ainyogonyog alimunun ngun, alimonokini eong yesi ebe, "Kocoitos Russia! Kocoitos Russia, ekabaka loka Agolitomei! Koicoitos Russia, ekabaka loka Agolitomei! Kocoitos Russia ekabaka loka Agolitomei!"? Imwasi bo ai kiiraritor eong alimuni, ikeu ber ijo akan, aikeun? Itunga lumojong, itei ijo, kau kotoma aiboisio nualingakinete nuka ekanisa. Kobwo kangina kosodi akeun ngin kuju, "Kocoite Russia, ekabaka loka Agolitome! Itei ijo, nuebuni ngesi aiswamaun, naarai akiro ngun kere epote aiculakin Russia."

25 Kasodi eong atemar, ebe "Abuni akwap na kangetakinnet alosit ojie kede Germany. Ido aponio Germany aigerun adukokin arwatat naka esimit, ikar itomanadiop eroko egeuna aiduk ngin, ikar itomonadiop alingakin. Kasodi eong atemar ebe, "Epote luka Amerika adumun aibungao naededeng kotoma arwatat kangin." Ice kotoma onacan kalu kane ajaas arwatat ngin, Onac Roy Roberson ka ngul; ingit kes nuapotu kiswamaunos. Apotu cut teni kesi odumutu. Eebo. "Konye kawasia," abu eong atema ebe, "Ibuni oni aipikor ido ibuni oni araun idiopet kotoma otelekarak kotoma ojie kiding oni kede Germany."

26 Kwana, abu eong atema ebe, "Kosodi do akaulo naka apak kangin, ebe abuni sayanis akerianar neteni." Apotu kokeriakaros, apotu kesi kiswamauntu eboomu loka atomik ka nginibore kere. Abu eong atema ebe, "Kotoma apakikec naka akerianut apote kesi aiswamaun e...apote imotokan ainyikokin aisub bala abeet." Ido iitunitos yesi aburet nati namojong ko 1933, abu kau nati kobong kwap koipone kalo, kojai amopiira naka supea kokauke? Kosesen eipone loejaar ngin kwana, itei ijo: etemonokini, itei ijo, bala abeet. Kasodi eong atemar ebe, "Angetset epote kesi aitolomun emotoka lomam bobo kesi ipudatar ajaut kede aijeret tomake. Anyunit eong ekal elosi kokwap...Konyara ngin ebe, "erot," kotoma omotoka loejai alabira kuju, irotin lukapolok lutieik luelaete ka emotoka loelai. Ido eboiete kesi, kiteosi, ido kokeri emotoka elopet koiponeke, olosi cut kotoma okoonai ka nginibore kere." Ido ejaatar kesi kwape kwana, adaun aitolomun. Ejaatar kesi kemitoka ngol. Katema eong do eong, "Oo, eipone loebunio sayanis akerianar kotoma apak kangin!"

27 Katema eong, "Kapak kangin abu eong kaany e...Elosete kesi acamakin angor ido eutasi da acamakin angor aicak aseeta. Ido kanuka aicak aseeta epote kesi asekun etunganan lokaronon adiopet kotoma apaarasia kanu." Ido ipotu yesi kiswamata ngun kotoma aseoo natubor. Arai abootin nuka aberu kes apotu koseutu Kennedy. Ijeni oni ngun, itei ijo, kiding naka acuman ka iboro kosodete aijulujul, nuabu FBI ibelea. Ido eipone ali apedoria idiotunganan...Inyobo mam kesi iswamata idiobore yenikamunit ngun? Inyobo mam elimunitere idiobore? Haa! Ekuriaka ebe etwaniari icetunganan akeswam. Itei ijo, arai atukos naka apugan, ebosit cut kiton angetakin. Odaun. Abeit cut!

28 Enamei kanen-emamei...emamei...itimoi. Enamei aitajario kotoma akwap kana, emamei aitajario kotoma akwap adio. Ejai aitajario toma Yesu Kristo ido Nges bon! A-ha! Edolit ngin. Kwana, eyalama eong kanuka Amerika. Ejok eong ajar kane itia adioiboisit kere kotoma akwap, naarai...kinga naka Canada. Eraas Canada kede Amerika amuatok, ijeni oni ngun, akwapin nueraas aidunyeta, aiboisit nakaumokin, konye eyuunit eong-eong ebe ejok eong aiboi kane itia kaiboisit adio kere najeni eong naarai erai oreka. Eyalama eong noi ebe arai eong etunganan loka Amerika, ido eyalama eong kanuka ngun. Konye ber eong alimok ijo, ipuda kaitebeikin aisikwarunio, ido teni cut ipuda. Ido mam ebuni adumun ngin! Mam, ipa. Mam enyouni bobo! Mam, ipa. Adau aekar! Iitunitos yesi, nepetai ikar ikany kau kotoma Chicago, ejaas ngun ateepu. Ijaatar yesi kangun, Gene. Abala eong ebe, "Epote kesi arai acamun Ngin okaru lo, arai mam inyikokinete kesi aibong kwap." Ido eswamata kesi ngun, itei ijo, ido epote kesi aswam ngun kiton kawasia airiamakin kede esangeke.

29 Konye ebuni ajaun aberu nakapedor! Kwana, kiitu! Ejaas nu ateepu, da. Aberu nakapedor, aberu nakapolon! abuni ngin araut arai President araimam, ebuni araut aberu naebwoikit ekanisa loka Atulik (naomit eong ebe erai) ebuni aikamar ne kacepaaran ido ebuni ngin aipuga akwap na. Erai akwap na akwap naka aberu. Aberu nges asubakini emeeder, erai enaaba loitomonet kauni. Abu ngesi konyou, aacer atomon kauni aigireta atomon kauni, ibukui itamon kiuni. Nginibore kere itamon kiuni, itomon kauni,

itomon kauni cut kiton kwap. Aacer atomon kauni kotoma dollar keng loka epuesa kwana. Nginibore kere erai itomon kauni. Erai enaaba itomon kauni, ido ejai osula lo 13 loka Apukokinio. Itomon kauni cut angetakin kere! Nginibore kere "aberu, aberu, aberu, aberu, aberu, aberu," cut kolosi kwap. Ido abu ngin kikama iyapesin kere. Ekama ngin Hollywood. Ekama ngin akwapin. Ekama ngin iyapesin. Ekama nginibore kere yenejai; apedorosio nueiriakasi kede ekiliokit, ecaki aseeta kede ekiliokit, ededeng kwape ekiliokit, emasi kwape ekiliokit, idiobore kere. Ido erai aijodoret kanuka ekanisa loka Atulik, kanuka amaio naka aberu! Emaete ber kesi aberu sek, keja aceda.

Nges najokan kakere...Aberu nadote nges eloketai loajokan kakere loejaatar ajokit. Erono ngin adepar agolaik kere nuka ibaan nuejaunar. Epedori ngesi aijukar itauon luipu ogeena adepar agolaik kere nuka ibaan kotoma akwap. Abeit ngin.

30 "Erai aberu najokan ibore yeniketiai loepol kotoma aboko naka ekiliokit," abala etunagan lokacoa kakere kotoma akwap. Ibusakinut ekiliokit aitubusikin aberu najokan, itei ijo. "Konye nakaronon erai akipi kotoma aokotoke," ido aokotoke nges aijarake. Yesi ikiliok luijaatar kangor nuajokak, mam ijo ijani eipone loebeitor ijo aimala Edeke kanuka aberu nakajokan! Naarai karai ti Edeke ainakin etunganan ibore ice yenitelearit kajokis kanuka ikengarakanan, ti Ngesi iswamat ngun. Konye aberu nges akengarakanan nakajokan kakere naabu Edeke kopedo ainakin ekiliokit. Konye naibelokinotor kesi...

31 Arai ngin kotoma omanikor loka Eden nges abu Satan koseu kwape ikebore yenikitwasama. Mam nges abu kolek ekiliokit, abu ngesi kolek aberu. Inyobo mam nges abu kolosio neejai Adam kosodi ainakin ngol aingobel? Abu ngesi kobu neejai aberu kosodi ainakin ngin, itei ijo, naarai ngin nges abu ngesi koseu. Abu Edeke kolek ekiliokit, kosodi Satan alemun aberu.

Ido kosesen cut kiton kwap, ido kotoma angeset...Neasipokonere Babulon kotoma ageunet, eitabo loenyaritai *Nuka Babulon Aarei* loka Hislop, aberu! Neadoluna toma aturio; kwana ejai angetakin atur naka Imo. Ageuni Babulon koipone kangol, ido engetakini kede aberu (Mariam) kotoma okanisa. Ikoni bo lolo apaaran najjari oni kotoma ai!

32 Kwana, *Laodikia*, atur naka Laodikia, akirot ngin erai akepolou "aijalam." Ebarit kede iboro, ido eomit ebe emamei ibore yenipuda. Konye ebala Ebaibuli ebe, "Icana, emudukana, ilwaritoy, ido imujalal." Ikoni bo lolo ejautene ngol ai!

Eropit loka ngul luipikorete kotoma atur kana naka ekanisa, erai "aiboikin oicolong kede Ejakait."

Kwana, aacerit, arai emalaika, arai ekiyakia loka atur kana naka ekanisa, mam ejena.

Kwana, ekiyakia loka atur nasodit naka ekanisa, arai ngesi, ingai? Paul, Epeso. Sumuruna? Irenaeus. Perugamo? Martin Lokalaunan. Suatira? Columba. Sarudio? Luther. Piladelupia? Wesley. Ido kotoma... Laodikia na, mam ber oni ijani, ido aticepak mam ibuni ajenun kiton naengetakinor.

33 Konye akoto eong ainakin yesi akatakunet naka kanu ebuni emalaika lo araut, nukimoot oni. Ngin ebuni tope araut naejok? [Kotemari atukos ebe, "Eebo! Amen!"-Ekewa.] Kwape eraar ebe kijaar oni apak naedit, abu eong ewadik atakunet adio ne ngun nuaomit eong.

Emalaika loka ekanisa loka Laodikia, kanu angetakin ngin. Kwana, ebuni ngesi ajaun kotoma angeset naka atur, kwape kaluce kere, kwape kObaibuli. Ebuni ngesi ajaun kangeset naka atur. Mere ageuneteke, angeseteke, naarai ebuni duc emalaika aitoron kanu...kes kanu eswamata kesi. "Neejai-nejai emalaika loka ekanisa loka Laodikia iwadikak iboro lu."

Itei ijo, "Neejai emalaika loka ekanisa loka Sumuruna iwadikak iboro lu." Itei ijo, kanginidiopet erai neejai emalaika kangeset naka atur. Paul, angeset naka atur. Ido cut kiton kwap, angeset naka atur. Ailaparet, angeset naka atur. Angeset naka atur, ngin nges einakini ngin ilapakin. Itei ijo, "Neejai emalaika," inera nukejaasi. Ilapun na lailo ne, "Neejai emalaika," angeset naka atur. Itei ijo, aikamar cut kane, aismamaun ailapar bala aicaketa nuka amadala elosete kaju, Aturio Akanykaarei nuka Ekanisa.

34 Kwana, emalaika lo loelomuni kotoma apaaran kana, akoto eong...kijaar eong ibore yeniwadikatai ne, akoto cut eong asiomun. Konye eponio nges ejenun atutubet nakawasia naka atur. ido naarai iyapikinit oni noi nejai ngin-iyapikinit oni noi neejai Aica ngin naka atur, akepolou aticepak ejai ngol toma akwap kwana. Itei ijo, mam kijeni nges. Ebuni ngesi a-araut enabi lokapedor loebuni ekanisa loka akwap ainger, naarai epote kesi ainyikokin kotoma adikanaretakec kosodete kawasia alekario kinga naka akituk naka Edeke, kinga kakituk naka Ajakut naka Edeke.

Eyuunit eong ebe ebuni araut loeputos bala Eliya. Alosi eong ainakin yesi kanukinyo. Kwana, kapukosi ber oni ne kotoma Oitabo loka Malaki, ipak edit, alosi eong ainakin ijo kanukinyo aomitor eong ebuni araut loinyonyoikitai kede Emoyo loka Eliya. Kwana, akoto eong ijo anapakin akoni-akonikopiira naka asianut kwana. Malaki, esula lo 4. Kwana, kopupok kwape asiomia eong, kajo kotoma Obaibulikon. Kwana, koomoom ejok cut kwana kanuka idakikan idis luetupakinete, kwana, eroko oni kelomara toma atur naka ekanisa.

Naarai, koany, ebunit apaaran, naesarani bala eupa; eraunos luituros kere, ka luiswamaete aronis kere ariangia: icwei kes apaaran ngin naebunit, ido mam ideikini kes aliasit karaida atenu.

Inyobo ejai Ngesi einer? Inera Ngesi neejai apaaran naebunit. Ijo icamuni ngun? Nejai apaaran naka abongun naka Ejakait.

Konye yesi...

35 Kwana kosesen, kwana inera ngesi kau neejai Israel. Kwana, inyobo abu Ngesi kolim? "Naarai, ebunit apaaran (koingaren) esarani."

Konye yesi luyongito ekakiror elomuni kanukus akolong naka adolit ejai kaitangaleun kotoma abebenokake. Ilosete yesi icuros bala itak kengaun kauj.

Ebala Ejakait loka ajoresio ebe, ipudapudaete yesi ikaronok; naarai eraunos ekurwon kotau loka akejenekus kapaaran naeswamaa. (Mere...Apaaran naicwearia Ngesi akwap, kilosi oni aipudapud ekurwonikec. Apugan naka Ikar Elukumit ngin, ejena bo sek, teijo.)

Kiitutu ikisila luka Musa ekabulesit, luecorakini nges koKoreb kanuka Israel kere, ikisila ka itubesia.

Koany, kejukakini yesi Eliya enabi, eringa kebuno apaaran ngin naepol nasogim naka Ejakait.

Ibelokini ngesi itauon luka lukapapa mama ejaas idwekec, ka itauon luka idwe mama ejaas lukapapakec, kenyek eong abunore aidany akwap kekenit.

Angetakinet naka Aitutuket kaNamojong.

36 Kwana abala Yesu...Matayo 17:10, inera nuikamunitoa na. Iyudayan kere idaritos Eliya ngol loebunit. Kwana kosesen nuabu Yesu kolim nuikamunitos ngin, Matayo 17:10. Igeuni oni kokokoro lo 9, Matayo 17:9:

Nape edokunete korongat, kicorak Yesu kes kotema atiar, Sirikilimokis idiotunganan kere nuianyutu, (Itei ijo, "Mam ilimokinete idio. Ijenete yesi ngin, konye idarata ngin kanukus.")...Sirikilimokis idiotunganan nuianyutu, aitodol naejarunia Okoku loka etunganan kotoma okatwak. Mam ilimokinete idiotunganan.

Kingita ikesisiak ebe, Aso kanukinyo ineratar ikewadiakak ebe, ibusakinit ber Eliya aige abunore?" inyobo eraar ebe ibusakinit ber Eliya aige abunore eroko Kristo lo ebuno, Akolong naka adolit? Inyobo ebalatar kesi kwangin? Kane, idau Ijo adolun ne, ido abalas ikewadikak ebe-ebe abeit ber Eliya aige abunore.

Kwana, kosesen:

Kobongok Yesu kes ebe, Abeit ebunit ber Eliya, itemokini ngesi kere.

Konye katemari yesi atiar, Adau Eliya abunore, mam apotu kojenutu nges, (Itei ijo, mam Nges abu kolim loarai ngol, itei ijo.) konye kiswamakis kere nuakotos, kwape kwangin elosi Okoku loka etunganan aiticanio kamakec."

Kosodete kojenutu ikesisiak ebe enera Ngesi kakes nuka Yokana Lokebatischen. (Kwana-kwana, Yokana Lokebatischen nges Eliya lokebeit abunore.)

37 Kwana koany, abongori eong nejai Malaki esula lo 4, bobo. Kwana kiitu, abala Ngesi kane ebe "Eroko ebuno apaaran nakapolon ido naeyongong, nasogim naka Ejakait, ejukakini yes Eliya enabi." Ekokoro lo 5:

Konye ejukakini mama ijaas... enabi...kejukakini yes Eliya enabi eroko kebuno apaaran ngin naepol nasogim naka...[Kotemari atukos ebe, "Ejakait!"-Ekewa.]k

Inyobo idumuni oni "kotoma Apaaran naka Ejakait"? Kotoma awasia naka atur! Ngin nges apak naelosere aicwear akwap. Kiitu kwape apotu oni ayangariata Ngesi konapite aboko nakakwangan, ijeni ijo, ido-do konapite amuny atorobuKe. Iitunitosi yesi ngun? Ido kipou oni ketogogongosi kede Ebaibuli ebe, mam kerai apaaran *nakasabato* karaida *Nasabiiti*, kerai Apaaran naka Ejakait. Biai ngin nakabeit? Ido ngin nges apaaran naebunio Ngesi kwape Ekatabon, "Ido ebuni aidany akwap kekenit." Biai ngin abeit?

Koany, kejukakini yes Eliya enabi, eringa kebuno apaaran ngin naepol nasogim naka Ejakait.

38 Kwana, osesen abunenen irwan ipu nuka Eliya. Kwana, arai imisiik ijo, ikokoron kere ejaatar kapolou naedeparit adiopet, "Konye ibwaritai kakonyen nuka lukacoa ka lukaijen, kosodete apukokin nejaas idwe ludidik kwape kalu epedorete aisisia." Yesi mam iyuunitos ngin? Kwana, itingite ber Malaki 4 kanepakanen cut.

Ido kwana abongosi ber oni neejai Matayo 2 adakika bon, ailam apapula adiopetebon, Matayo 2. Eyuunit eong ebe ekoto eong apeleikinite Luka 2 aiboisit naka Matayo 2. Ewadikat eong ne, konye

arurukit eong ipak edit kau, ido ajai Emoyo Lokalaunan togo kamaka ido ajai eong kede apak naajok noi. Kwangin apeleikinit do eong...2, aanyutu ber oni arai epedori korai nges nen. Kwana, ber eong esisia ber kane mot. Matayo 2? Mam erai nen nges amoot eong, erai cut? Kwana, ipak edit ber, adumuni eong kotoma...Ber eong ayangaik ber ipak edit kane naarai akoto eong ijo aannyun ngin ejok cut toma, ebe ejaatar Naiwadikaere apolou naedeparit adiopet nejai Ngin. *Aima naka Anna; Abongor Nasaret; Epucit loka Aleleng; Aijaanakin naka Yokana*. Kwana ber eong aanyu arai abu eong apeleikinite Luka, asiomi eong nenice ido...Apeleikinit eong Marako aiboisit naka Luka, epedori korai Marako. Konye akoto eong ijo adumun Ekokoro lo-tetere ijo ijenuni ebe erai aswam naka Ejakait, ebe iswamai Ngesi ngun koipone kangol. Kwana, abuni eong alimokin ijo neamoot eong, nejai, "Abu kanyarau Okokuka koMisiri." Itunganan yenejaatar iwadikaeta luka osiep epedori adumun ngin katipet arai angicut ngin? "Abu kanyarau Okokuka koMisiri, kanyarau Okokuka." Kwana, ipak edit.

39 [Kotemari onac ece ebe, "Luka 1:17."-Ekewa.] Luka 1:17. Eyalama, onac. Edolit ngin, Luka 1. Marako...Luka 1:17. Aiboisit naka 2. Akoto eong alemun ekokoro lo 14, nen nges...Ngesi nen, onac. Nges nen cut bec. Luka 1:17. Eebo. Kwana, kwana ipedori ijo aiwadik ngol. Kwana, nuerai ngin, elomunit kotoma arereng naka Ejakait, nges kisirerengere.

Ilakar ijo, iyalamikin; ido isiyalamikinete luipu akeurunio.

Naarai eraun lokapolon kakonyen nuka Ejakait, kwabo mam emasi ajon karaida nuitemerete;

Etunganan lo loetakanuni eponio aisisianakin anyoun kaurioke mere aimat arai ajaun kede idioboere yenikamanara kede adiakar kwangin. Ijo idum ngin?

...Ido ilelebun Emoyo Lokalaunan, ameun kakoik naka totoke.

Ido inyakuni ngesi luipu kodwe luka Israel mama ejai Ejakait Ekecedeke.

Ingareni kakonyeneke komoyo ka apedor naka Eliya, ainyakun itauon lukapapa mama ejaas idwe, ka lukepali mama ejai acoa naka ikadolitok; aitemonokin Ejakait itunga luisikapikinitai.

Kwana, idumuni oni ebe adwaritai ngesi, ido arai Yokana nges etunganan ngol! Ngin nakabeit? Kerai Yokana nges kerai Eliya, loka apak kangin, lokebeit abunore.

40 Kwana, kijeni bobo oni ebe kacepakio epeleikinit Naiwadikatai iboro iarei. Elimuni ibore idiopet, kwape bala kanen kotoma Matayo neabalar ebe, "Abu kanyarau Okokuka koMisiri." Mam ace, acamunit eong ebe arai nen nges sek ammot eong, "Abu kanyarau Okokuka koMisiri." Kosodi do arai kitup ijo akirot ngin "okoku" ajuliraet ngin kanen, arai Ngesi...mam abu...Abu kobongo kau toma Kosea, namam apeleikinit *Yesu*, Okokuke; arai-arai *Isirael*, Okokuke, "Abu kanyarau Isirael koMisiri." Konye ajaatar kapeleikineta aarei ka aijen da naepol mamake neapeleikinit ngesi kosodi einer kanuka-kanuka abunore naka *Yesu*, loarai loapol adepar-adepar Isirael, nanyaraunia Ngesi Isirael kinga. Eebo.

41 Kwana, idumuni bobo oni ebe ejaatar ngin...Kotoma abunoreKe nasodit mam arai kotoma apaaran naka Ejakait. Ngin nakabeit? Kwana, abongor neejai Malaki, ketetenata ber oni nu nasodit, "Abunore kotoma Apaaran naka Ejakait." Kwana, Akebuneta aarei, Akebunore adiopet ka nakiareit. Ijo isikapik aoomookon nakomoyo? Ekokoro lo 6 kwana, "Ebuni Ngesi..."

...ijukuni Ngesi...Eliya...eroko...apaaran napolon ido kosogimim naka Ejakait: (Ngin edolit?)

Kwana, idumuni oni ebe mam ngol kerai Yokana, naarai mam arai apaaran nasogim naka Ejakait (ngin kerai?) kosodi Ngesi...karaida Nges amudiar akwap. Kwangin akoto ngin kopeleikinite aitemenar, arai-arai abunore ace nakoingaren naka Yokana...arai naka-naka Eliya. Ngin abeit? Naarai abala Ngesi ebe, "Ejukuni Eong Eliya, ido alosi Eong amudiar akwap kere, ido alosi Eong aitalaun ngin kere, ido ipudapudaete yesi ekecekurwon." Erai ngin Millenium, ijeni oni ngun. Akaulo ebuni ebomu loededeng amunyumunyar ngin, akaulo ejaun...itetenario akwap. Ido ejaun apaaran nakapolon kane kotoma akwap, kosodi Ekanisa apugan kede *Yesu* kotoma akwap adaun Ikar Elukumit. Ngin abeit? "Konye naperoko Apaaran nakapolon nasogim naka Ejakait, neelosere aduor ngin, ejukakini Eong yesi Eliya Enabi." Ngin nakabeit? Aso mam apeleikinit Yokana Lokebaitan kotoma adoketait kangin, naarai mam apaaran nasogim naka Ejakait arai kotoma apakio kangin, ikar ilukumin iarei kwana adaunos. Ngin abeit?

42 Kwana, kosesen ekokoro loetupakini. Arai ibuni ijo araut yenikomoyo cut neteni kwana; kwana, erai lo ebuluwa loka amin, ido ibusakinit jo aisiom kiding naka ikokoron kosodete do aitemokin. Ijeni ijo nuapeleikinit eong. Kiitu kwape abu eong alimunitor Naiwadikatai, "Abu *Yesu* isiyalamik Edeke naarai abu kibwa ngin kama ejaas lukacoa (luka akonye) ka lukaijen, kopukok nejaas idwe ludidik." Kwana, etetemunun duc eong nuikamunitos akaberu neiwadikaikina ngesi eong ebalua, konye asiomi eong kiding naka ikokoron kanu ajenun nuepeleikinit ngesi, itei ijo, naarai amina eong nges ido ejeni eong-eong ekeipone. Ido ejai ijo aijen eipone loka Edeke kosodi amin Nges, kwangin do etenitosi Nuiwadikatai kere mamakon. Epukori Ngesi Ngin.

43 Kwana, kosesen ekokoro loetupakini;

Ido ibelokini ngesi itauon luka papa nejaas idwe, (kwana, koany.) ka itauon luka idwe nejaas lukapapa,... (Itei ijo?)

Kwana, neabu Yokana kobunio kwape Eliya, abu kibelok itauon luka Isiraelin, itauon luka idwe luacamunitos aisiiraret na, itauon luka papa nejaas idwe. Konye neebunio ngesi kapak kana, elosi ngesi aibelokin itauon luka Ekanisa ainyakar nejaas luka papa luka Pentekosit. Itei ijo, ijulakina kanen. Ijo imisiik ngin? Kwana, kosiom Ngin!

Kwana, kopupok ejok kwana:

Ido ibelokini ngesi itauon luka papa nejaas luka idwe, (Kwana koany.) kosodi itauon loka idwe mama ejaas lukapapa,...(Ianyu?)

44 Kwana, nabunio Yokana kwape Eliya, abu ngesi kibelok itauon luka Isiraelin, itauon luka idwe lu kapak kangin acamunitos aisiirareteke, itauon luka lukapapa mama ejaas idwe. Konye naebunio ngesi kapak kana, ebuni ngesi aibelokin itauon luka Ekanisa abongor mama ejaas lukapapa luka Pentekosit. Koany, erai ngin naisiecakina na ka ya kanen. Idumutu yesi ngin? Kwana do kosiom Ngin!

Kwana, kopupokisi ejok kwana:

Iibelokini ngesi itauon luka lukapapa mama ejaasi idwe,...

Isasedotin lumojong luka Orthodox; elosi ngesi alimokin kes ngun, "Kanukinyo, epedori kereka Edeke aitonyoikin Aburaam idwe kotoma amor kanu. Mam iwomitos ebe ipedorete yesi..." Ianyu? Kwana, elosi ngesi alemun itauon luka isasedotin lumojong lueninik kosodi aibelokin ikecetaun neejai Aiyuun najaatar idwe kanen. Itei ijo, "Kwana, lu kere luebatisatai ido kidaritos abunore naka Mesia. Ingai bo kikwenya yes, yesi atur naka imusagan, akerit anyunyura naebunit?" Oo, ikatunga! Itei ijo, "Ajai ngesi aibelokin itauon luka papa nejaas idwe."

"Kosodi itauon luka idwe nejaas luka papa." Kwana, neelomuna Eliya lokaumokin toma kotoma angeset naka atur kana, ebuni ngesi ayangar aisiiraret naka Pentekosit kanu aibelokin idwe neejai Aiyuun naka luka Papa, naarai ebuni ngesi aitoron kes naarai ebe mam kes apotu koricita Aiyuun napena najai sek ngina kotoma ageunet. Amen! Kwana, acamunit eong ebe imisiik oni ejok ebe elosi araut Eliya. Oni mam imisiikinit? Kwana ijeni oni ngin.

45 Ido adau ngin...Kwana itei ijo, mam Apaaran nasogim naka Ejakait edaunit adolun. Aumokinit duc eong, "Etunganan lo abeit eraut ekalimonokinan bon, apakio kangun. Abu Eliya iswama nukaumokin kere, komamei alimonokin. Konye neajaar Ekemoyo nejai Yokana, abu iswama alimonokin kere ido komameete nukaumokin. Inyobo? Alosi Yesu atupakin nges, abuni Ngol aswam nukaumokin, "Naarai ebuni acaun Akolong naka adolit," abala nges, "kede aitangal kotoma abebenokake." Kwangin mam Yokana epuda aswam nukaumokin, abu bon ngesi kolimo abunore naka Kristo. Kosodete kesi...

Kwana, kiitu, ido Yokana lo...arai Eliya lo loebait abunore, mam eponio amisiikin, ebuni ngesi araut etunganan lokaumokin kakonyen nuka Ejakait kiton itunga aomit ebe erai ngesi cut Mesia.

Naarai ikepapero obe apotu kolimokis nges ebe, "Irai ijo Mesia."

Abu ngesi kotema ebe, "Mam eong ebusakinit alacun Akemuk, konye ebunit Ngesi kokauka!"

Naarai ajaas kesi idaritos, apakio ngun, aanyun Mesia, aoomoete kesi ebe ebunit Mesia... Neanyunatar kesi ejautene lo lokaumokin elomuni kakidingosikec, apotu kesi kotemasi ebe, "Erai ngol Mesia."

Abu Yokana kotema ebe, "Mam eong arai Ngol! Konye ebunit Ngesi akauloka!"

Oo, ikatunga, "Yesi imisiikisi ngin? Kwangin ikepapero luosiep epote aomit ebe erai ngesi Mesia.

46 Kwana, koany ebuni icebore aiswamaun, eipone loka lo, ebuni ngesi cut naperoko Apaaran naka Ejakait. Kwana, mam akwap abu konokia kotoma apaarasia nuka Yokana, kwangin erai do koingaren. Nakebunio ngesi irwana nasodit, abu bon ngesi kolimonok; irwan nakiareit, ebuni ngesi-ngesi aswam alimonokin ka aanyununeta nuasumunikit Yesu Kristo. Eebo, kwana, asesenata ber oni iingaren, nupote aiswamaun, eipone loka enabi kalo loebunit.

Kwana, isimonikina oni ebe emalaika loka atur kana nakawasia, loadwaritai amean kotoma Aitutuket Namojong; kwana, luce kere mam adwaritai. Paul, Irenaeus, mam kesi adwaritai. Konye atur na nakawasia, kangeset naka agolokinio, awasia naka akwap, ebuni araun apak naeumokina naijaatar oni koingarenewok, kwangin emalaika lo loka atur kana adwaritai kokau kangina kotoma Naiwadikatai, Naiwadikatai Namojong, angetakinet naka atur kana. Erai Eliya, etunganan mutan loinyonyoikinitai loepol.

47 Kwana, kosesen! Eipone ali loka einono loebuni Eliya ajaut? Nasodit, ebuni ngesi araut enabi lokapedor lomunot neejai Akirot naka Edeke, naarai arai Eliya lomunot, ido arai Yokana lomunot. Edolit ngin. Iswamai aanyuneta ka nakaumokin, ebuni aibelokin itauon luka idwe abongor toma Aiyuun naka luka papa luka Opentekosit. Ebuni ngesi alait iriongeta kwape kEliya. Edolit ngin, ebuni ngesi alait! Aomit eong ebe idau oni aitegear ibore kanuke kwana; nepetai apak naeubunio ngesi. Ebuni ngesi alait iriongeta! Alait Eliya ngul, kwape kwangin Yokana da alait iriongeta.

Abala Yokana ebe, "Mam ipote, koomitos, 'Kwana kijaar isio Aburaam papakosi.' Yesi Iparisayon ka Isadukayon, yesi atukos naka imusagan! Imunuo kotoma anya," kacekiro. "Naarai kalimokini yesi ebe, epedori Edeke aitonyoikin Aburaam idwe kotoma amor kanu."

Abala Eliya ebe, "Apaasi kesi kere, kanginidiopet kakesi! Emamei itunganan yenideuna dimarai eong bon." Oo, ikatunga!

Ebuni ngesi da alait angor nuitubusiara, abu Eliya da kolaite: Yesebel. Ngin erai nabeit? Abu Yokana da kolaite: Kerodia. Inabin ngul iarei kere, Emoyo, Emoyo ngopengol. Alaitos kesi iriongeta luka akwap, ekanisa loka akwap. Alaitos kesi, da, atemelel, angor numam ajokuka. Kesi... Abu icebore kotoma omoyonocek kiworo asurwokin ibore ngin! Amoot Yesebel akou kEliya ido alosi atubor ngin awai; ido abu ngin da koinak akou naka Yokana etuboro, abu Kerodia iswama ngun. Kesi kere iarei!

48 Ebuni enabi lo araut loemina amodingot! Kwape kEliya, eboie ngesi kamodingot, ngesi bon. Yokana, toma amodingot ngesi bon. Kwangin ijeni do oni ebe elosi araun Eliya. Eebo.

Kosodi ebuni enabi lo araut loebuni asalakin kede Akirot nabeit naka Edeke. Eebo, ebuni ngesi asalakin kede Ngin, Akirot kere. Aswam inyo? Ainyakakin Aiyuun (neejai ekanisa loka Epeso) naaponi kotwaniarai apak na kere, Aiyuun, kotoma okanisa loajaatar "Ekek loengaara" esipokinitai iijngareneke kosodi ainger Ngol.

Mere etunganan loesiomit. Mam Eliya arai etunganan loasiomit, Etisibit. Mam Yokana arai etunganan loasiomit. Luke 1:67, abala Ebaibuli ebe arai ngesi... "Ajai ikoku ngin toma...katipet napekeurun abu ngesi kolot amodingot, abu ngesi kojai amodingot kiton apaaran nakedodikinere nges Isirael." Edolit ngin. 1:... Luka 1:67 kiton okokoro lo 80, arai ikoto ijo aiwadik ngol.

49 Ebuni enabi lo da araut etunganan loka eipone loekadanakini. Eliya akaulo na nges ajaut kede ariamununeta nukaumokin, amamei itunganan yenapedori aupakin kede nges. Ajaatar Eliya kede apakio. Nuabu ngesi kolosio kosodi anyaraun akim kwap kotoma akuj kosodi aicwear itemuan luka Baal ka nginibore kere, abu ngesi koker amodingot kosodi ngesi atemar ebe, "Ejakait mam eong etelekarit luka papaka, kinyek eong atwana." Ngin erai nakabeit? Kosodi Yokana... abu ngesi kiboikin kwap naka ekitoi loka erotem, kosodi akaulo naka aisikwarunio, kwana akoto ngesi atwanare.

Kosodi Yokana, nakecakakinere ngesi toma aidaris (aberu na naronon) abu ngesi kiboikin kau ngina kosodi ageun akadakin. Acamunit eong ebe Pember arai abu ediopet kotoma kakesi kotema ebe, "Abu esirapirap korap akonguke naka emorukalet, kotoma ojeera." Abu ngesi kijuka ice kotoma esisiakake.

50 Ido, inyobo, adaunit ngesi alimor, ebe, "Koany Imerekek yenika Edeke yenelemanari adiaknareta nuka akwapin." Abu Yokana koany Epir loka akim esipo kanen kokujuKe, kwape Ajele, kosodi aijesun kwap, kiboikin neejai Ngol. Abu koany ngun kere, kosodi atemar ebe, "Ngin nges Imerekek yenika Edeke!" Kosodi atemar ebe, "Epuda Ijo aibatis eong, ido ijo da ibuni mamakang?"

Kotema Yesu atiar, "Kocam do kwana."

Konye naebwaikinere nges aidaris, kisunyakini ngesi aijesar toma aitakadikin katipet. Itei ijo, esubit bala eninik, mam apedori alemun nges. Ido naeswamata ngun, abu ngesi kotema ebe, "Kolototo kingitutu Nges arai tope Nges ngopengol, araibo edareutu ece abunore?" Cut becebec kwape abu Eliya iswama, itei ijo, kwape kwangin.

51 Nges, asubit bala eipone ekesa kalo epupi akadakin, kwangin do itimit oni nges naarai ijeni oni naerai ngin. Eebo. Eebo.

Kwana, kwana ko...e-Ekanisa, kotoma aitodiarike...ejok eong ajalakin ngin bon kanuke. Kotoma aitodiarike, E-Ekanisa neitodiaror, Eliya lo lokaumokin loebuni Edeke aijukakin oni, neitejenunor ngesi bala kwape abu Eliya kiswama, akapakina ekanisa do kanu alakunio kakanin nuka ekapirione. Ngin nabeit? Apak cut naatakanunia ngol kangina kosodi atemar ebe, "Ibuni oni aitogogong ebe ingaibo Edeke," abu Eliya kolaku Ekanisa. Ido Yokana, kwape abu Yokana kiswama, abu kotema neanyunia ngesi Yesu, abu ngesi kotema ebe, "Ibusakinit eong aitidiasir kosodi Ngesi aitopolor." Abu Yokana nape egeuni alimonokin, kitejenar nape eroko abunore naka Ejakait. Cut angeset, ajai aitodiar. Eebo.

52 Kwana, ianyuni oni ibusakinit Eliya korai apolou katur na neejai Ekanisa. Kanu aitogogong ebe arai ngesi Eliya: Eliya akaulo naka ainakin adwaranutuke, mam Eliya abu kotwana, aponi ngesi kijulakinai

kosodete ayangar toma Akuj; aitupuset naka Ekanisa (kangeset naka Eliya lo loebeit abunore, kangeset naka apakike), ebuni Ekanisa alosit kotoma Aurupoorio, komam itorit otoribe loka atwanare. Ebuni araan Aurupoorio! Eyuunit eong Eliya lokaumokin, lokaumokin loebeit abunore, ebuni araut loinyonyokinitai loedwaritai kanuka apaarasia nukawasia. Amen! Aomit eong ebe ebuni ngesi araut, kebu ngesi, emalaika ngol, arai ekiyakia ngol neejai ekanisa kotoma apaarasia nukawasia (itunga luengeritai, luitidisiaritai, kwape ebunio ekanisa lo alomar toma, ido ejai da sek). Aomit eong ebe isumunitai Eliya kotoma Obaibuli. Aomit eong ebe ipedori oni amisiikin ngin, Eliya nges esumunitai kotoma Obaibuli abunore kotoma apaaran kana. Yesi iyuunitos ngun?

53 Kwana, kebeloros kwana do oni neejai Laodikia ido ibuni oni aanyun nuelimokini Ejakaitiwok oni atibong na nuikamunitos Laodikia, Laodikia na. Eebo, ayogan mama ejai ekanisa:

...neejai emalaika loka Ejakait...

Ekokoro lo 14 esula lo 3 loka Apukokinio:

...nejai emalaika loka Ejakait...loka...Laodikia kiwadikak ebe; Inera kwanata nuebala ngol loerai Amen, ekajenan lomunot lokabeit da, ido ageunet naka aisub naka Edeke ebe;

Oo, ikatunga! Kijaar oni kere...Karai oni kajaatar kakuar kere kotoma ngun kanepokane cut, eipone ti loepukoro Ejakait ngun mamawok! Kosesen!

Loerai "Amen" nges "Lokawasia." Atakanu Ngesi erot kere kiton, ka iboro luegelegela, konye na nges atur naka ekanisa nakawasia neebalar ebe, "Arai Eong...Erai na angetakinet, arai Eong Lokawasia."

54 Kwana, kanu aitodun ebe kerai Ngesi "Losodit" bobo da, kwape kejaar Ngesi, erai Ngesi "ageunet naka esube loka Edeke." Oo! Ijo ikamunit Ngin? Ianyu? Eipone ti ali esubunere Edeke arai erai Ngesi Emoyo? Eipone ali ti Nges kesubunere? Erai Ngesi-erai Ngesi Lomam Edaun! Mam cut Ngesi esubunitai, mam Nges eponio asubun, naarai erai Ngesi Edeke kageunet. Konye Ngol loerai "ageunet naka esube loka Edeke" kerai nges Yesu Kristo naetodiaror Ngesi, naabu Edeke kojaria kotomaKe. Erai Ngesi *esube* loka Edeke! Oo, ikatunga! itei ijo, "Losodit ka Lokawasia; loerai Amen, ageunet naka esube loka Edeke." Neabu Edeke kosubunia akuan kanuKeng, abu Ngesi kobu kwap kosodi aiboi kotomaKe, ngin nges ageunet naka esube loka Edeke. Ianyu? Oo, Ngesi mam tope eumokina?

55 Kwana, kidumunii oni kageunet, abu Ngesi kitodia EdekeoneKe cut *kane*, "Arai Eong Lokapedor kere! Arai Eong ngol Loajai, Loejai, ido Loebunit. Lokapedor kere!" Neejai ekanisa loka Epeso, abu kolim ngun irwan auni. Ngin nakabeit? Kobuni cut lailo neejai Loadikia kosodi atemar ebe, "Arai Eong Amen. Kerai Eong Losodit kokau *kane*, arai Eong Lokawasia *kane*. Ido arai Eong ageunet naka esube loka Edeke. Kotoma aturio nuka ekanisa nuebeit oni ajaunor, isisiaunete yesi ebe arai Eong Edeke, Edeke esubitai kotoma aput naka etunganan. Arai Eong ageunet naka esube loka Edeke!" Amen.

Ti ngin idupo loka Presbyterian ailulukin. Koomoom ber ijo ngun! "Ageunet naka esube loka Edeke," Kwana, eong...Oo, eipone loaminar eong ngin, "esube loka Edeke," neasubunere Edeke, naetaraunere Edeke akuan kotoma Yesu Kristo kosodi ajaun akidingosiwok.

56 Kwana-kwana, ekokoro loetupakini tikeraun (nejaas ikanisan luce kwi) aisiyalamikinet, konye mam Nges abu kisiyalamik ekanisa lo. Ajaatar Ngesi kede angurian atoronit ngol, mere aisiyalamikinet. Mam Ngesi abu kisiyalamik lo kanu idiobore kere, atur na naka Laodikia. Kede Aica kere najaatar kesi, kosodi aimen aitodolikin Ngin, mam kesi epudasi adioisiyalamikinet. A-ha. Epudasi kesi aitoronio, ido apotu kesi kodumutu ngin! Ajaatar Ngesi kangurian kanuka ekanisa kalo, mere aisiyalamikinet.

Kwana akoto eong aisiom ekokoro lo 15 ka lo 16 kane kwana:

Ajeni akoniswamasio,...ebe mam ililim karaida mam imwana. (Kotoma akiro ace, "Mam-mam irai lojalam ajalam bon.")

Aso naarai ijalam, kwabo mam imwana karaida mam ililim, kalekari ijo kaitukuka. (Uumm!)

Isisianakinitai...Ngin erai aisiyalamikinet? Erai ngin aitoronet neejai atur naka ekanisa namam eyongit yEdeke, naronon kakere kotoma aibunget kere. Nuce kere kokwap naka aitanio ka nginibore kere yenajaatar kesi; amameotor kesi idiobore, araas kesi luaridakinitos ican, ilokidaete kede Imukulen luka amerekekin ka imukulen luka akinei, luelwaritos, kotubutuboi, kicweai kiton atwakare, kosodete aitania ingatunyo, ka nginibore kere, konye koroko edongitos Aiyuun. Konye aibunget na erai na "ebarit ido mam ipudas idiobore," ka nginibore kere, ido erai amalayat! Edolit ngin.

57 Kwana, kijaar oni kaisisia nati naapolon, amuno eong ebe kingarak Ejakait oni kotoma. Abala Ngesi-Ngesi ebe, "Naarai mam imwana karaida mam ililim, konye ijalam."

Bala akile, itei ijo. Akile nuelilim ejok ejokuka. Ngun mam? Akile nuemwaka ejokuka kanukon. Konye akile nuejalam einakinete ijo ailek.

Eitunit eong akuar adiopet abu eong kadekakin, kokwap kocor, nepetai ikar akaisarei kalukany kau. Ajai eong toma ataker naronon, eboie kokwap kangin. Abu eong kadekakin, kosodete kesi abunore, abu onaceke akaberu koyanga eong neejai Dr. Isler. Ebala "Inyobo ationis?"

Katema eong ebe, "Emojiri eong etau!"

Ebala, "Komata eikopo loka akile nuejalam." Oo, onac! Akile nuejalam, apotu koinakisi eong ailek, aso abu do eong kelotu iboro ngul kere kinga luajaas toma akoik.

58 Kwana, abu Edeke kotema ebe, "Ejok ti korai ijo komwana, komwana noi neteni, araimam kolilim noi ciici, koraun adiopet arai nace. Mam ijalamaar, naarai kiinakini ijo Eong etau ailekilek."

Ngun kes iswamai ekanisa lo neejai Edeke, einakini Nges etau ailekilek! Ianyu? "Arau araut...Mam...I-...mam irai loi-...Ejok komwana noi arai...Mam ijalam! Kojalam araimam komwana; naarai kiinakini ijo Eong ailek."

Alilimu naka ekanisa loka Anglican kotoma apaarasia nuka John Wesley nges abu kirengea nges ajaun kede atukonokin nenice, naarai alilim, alilim ciici

Alilimu naka ekanisa loka Methodist nges abu kidupo William Booth araun ekeyuunan loedopit ne teniteni. Itei ijo, abala Edeke ebe, "Arai mam ijo ibuni kosodi aitoronikin, abuni Eong alemar epir lokatala. Alemari Eong ngol kinga, ainakini icetunganan." Aso nemam ekanisa loka Methodist abu kocamunia aijaun aitalaunio naka John Wesley, abu William Booth kolom cut kede Salvation Army kosodi aikamar ngin cut alosit akonye. Abeit ngin. Kanukinyo? Apotu kesi kitarautu ngin erionget! Erai ngin cut bec. Apotu kismawautu erionget kotoma kangin, kosodi Edeke atemar, "Alait Eong ibore ngin!"

59 Aso...Abu William Booth cut kobu kosodi alemun ngin, kede Salvation Army, ido inyobo abu ngesi kismawa? Ibore ngipengin, aibelokin kosodi aitarauun ngol erionget bobo. Akaulo ke kopote luka Cambell, kosodete kesi aiboi ipak edit; kosodi do John Smith kede luka Baptist; kosodi akaulo ke kopote luka Nazarenes; kosodi do akaulo naka Nazarenes kobuni Pentekosit.

Luka Nazarene, inyobo apotu kesi kismawata? Apotu kesi kitemonokisi lokec koipone kangopekangol, apotu kitarautu ngol erionget.

Inyobo abu kobu kotoma apak kangin? Itenun iarei ludidik, Church of God ka ice da, apotu kolibutu kanen. Inyobo apotu kesi kismawata? Aismawauun erionget; abu cut Ngesi kojalak kes kolototo.

Kobuni do Pentekosit kede arerengusuio nuka idouon luka ekaukau, inyobo apotu kesi kismawata? Apotu kismawautu erionget, aso abu do Ngesi kojalak kes alosit. Abeit ngun?

Kwana kilosi oni adolokin cut angeset kane, idumuni ijo icebore yenegogong cut teni kotoma odakikan idis. Eebo.

60 Eebo, ekoto Ngesi ijo kidopite teni araimam kolilim ciici, adiopet arai nace. Mam ijalam! Mam isoswaikinit idiobore yenimameotor ijo, kojaun ibirani kanuka Edeke arai mam kobongo toma-toma orionget. Mam-mam ijalam!

Erai ibore ngipengin kwana! Ibore ngipengin iswama kotoma...okanisan kalukane. Ekoto Ngesi ijo komwana arai kolilim. Mam ngesi ekoto "ajalam." Neni ngesi adoloki Pentekosit, ojutene lo ajalamu. Eramakinete kesi apiano apak edit, ka atenusio adis, kosodete airam ipak edit; kosodete adumun emiusik loilosikina, konyouni icetunganan kosodi asubit bala...ijeni ijo, asubit bala atemar ebe, "Ituritete Ejakait! Haleluja!" Uh-huh. Olosi do awoere kwapu, "AH, ah,ah,ah," ngesi nen. Okwe, ikatunga, einakit ngin Edeke ariebo kakoikiKe! Ianyu? A-ha. Eebo.

61 Emamete nuipu nuelosete iingaren kapak kangin, kwape-kwape aisikwarunio naemwana peepe kotomakec, konye ejaas kesi kede acuman nueramio kotoma okanisa kalo, itei ijo, naarai ebaritos kesi ido, oo, ikatunga, ido kejaas kesi aimorikikin nepepe ka aswam atukonokineta nuapolok ka nginibore kere. Ajaas kesi kede apak naejok kotoma okanisa kalo, eraasi ngun nuabeit, konye eraas kere acuman nueramio. Konye emamei aibuse naka Emoyo Lokalaunan. Ianyu?

Ongolia ne nuabala Ngesi kotoma kane, itei ijo:

Ajeni akoniswamisio,...mam ililim karaida mam imwana: tiejok arai kolo jo kolilim arai komwama.

Ido naarai ijo ijalam,...mam ililim karaida mam imwana, kalekari ijo kaitukuka. (Ianyu?)

Kwana, abala Ngesi ebe, "Tiejok arai kolilim arai komwana. Ido naarai mam ijo, ejai Eong-Eong alemar ijo, odaun, alekar ijo alekar kaitukuka."

62 Kwana, ajaatar kesi kede isirigin luipu, ajaatar kesi kadukena nuapolok, ajaatar kesi kiboro luapolok elosete iingaren, konye amameotor kesi kaibuse naka Emoyo Lokalaunan. Oo, ajaatar kesi acuman-...

erionget. Oo, ikatunga! Ejaatar kesi kekanisa loimorikikina nepepe. Esapat, ejaatar kesi kadukena nuapolok kakere nuejaunar, ka iboro elosete iingaren, kwabo komamei Emoyo Lokalaunan. Ianyu? Ngol nges abu Edeke ijukak Ekanisa, Emoyo Lokalaunan.

Kwana, kwape kinyikokina oni kotoma okokoro lo 16.

Ejaatar kesi kiponesio kere luka ikomiitin. "Oo, kijaar oni kainapeta luka ngul. Atukot naiganganakini angor nuemojongito, ka-abolia naka itelepai ludidik, ka-ka abolia naka aludo kaNaikanyet paaran, ka a-abolia naka emopiira loka basketball Nasabiiti paaran, ka, oo, abolia naka baseball kotoma apaaran *mutan-ka-mutan*. Kosodi, oo, kijaar oni a-katukot naka ikaramak lukiliok. Ido, oo, kijaar oni iponesio kere luka iboro."

63 Alimokini eong ijo, igugunatoi akesa na, atukono, aibungeta ka arameta, kace kere nuipu, konye komamei aibuse naka Emoyo Lokalaunan, itei ijo, ijaatar yesi kerionget, konye imameotor yesi kidiobore kanen kanu aibuse. Ijaasi yesi amwakuun nejaas akwapin konye mere neejai Edeke ngin nges apolou ijalamatar yesi.

Oo, ijaatar yesi kede imeeban luipu adepar luiritotor yesi ajaunar. "Abeit cut, etelepata! Inyobo, kidum sio imilionin ice kotoma '44," nges abala loka Baptist. Konye-konye inyobo ijaatar yesi? Acuma naepol!

Kanepakanen cut kotoma okanisa kangopekangol neabu eong keiraria akirot ngin elimunio, kejai ber kes aiyengun idakikan itomonakany kanu ainakin ekecokon arereng alomar kinga, ka idikonin kere ka kesi kere, aimat esigala, kosodete abongun bobo toma. Ianyu? Ikoni nen. Itononit Ebaibuli akiro ngun kaitebeikin! "Arai kimuna ijo akuan na..."

64 Itononitos imurok ngin ido ebalas, "Ileleba engoti." Ido elosete kesi oredio kosodete atemar ebe, "Aijililet naka etunganan loeomoomoi."

Kwa abalar Billy Graham ebe, "Erai ngesi ebang aomoom koipone kangol kotoma ageunet."

"Aijililet naka etunganan loeomoomoi," etunganan *loeomoomoi* mam ti kemat ngol cut, abeit ngin, kitemu ber ijo aomoom bobo. Konye elimonokini ngesi angor ebe einakini kes aiseny noi ne teni, ijani ijo, tetere epedorete ainap ice kotoma epone loka inapen kalu luitetiak luejaatar kesi. Etelepat, ngun kes egwelar ngol! Ipu angor nuemasete esigala adepar ikiliok kwana, ido emasi aberu isigalan iuni kanuka ediopet, kitiirian jo kekiliokit. Edolit ngin cut bec, naarai ekoto ngesi aiseny. Mam nges emisiikinit ebe erai Elwera ka engoti ka iboro kes ekonakisi ngesi kwangin, cut adoketait naka imukeru, ebuni tomake, enyami nges koipone kangol, ejai aiyar nges. Emamei ibore yenepedori alomun kotomake konye aronis! Edolit ngin. Ianyu? Konye erai ngin, "Erai-erai aijililet naka etunganan loeomoomoi." Haa! Oo, ikatunga!

65 "Mam, mam! Oo," ebalas kesi ebe, "konye kijaar isio...Onac Branham, etepegi eong ngin! Kijaar isio atukonokineta nukapolok! Koany ber ijo nuajaatar Billy Graham anatar akwapuwok kere." Oo, abeit cut, erionget loti, ikalimonokinak luipagisatai, ikengarenikinak awoere luetacitai.

Eebo, ipagisaete kesi ikalimonokinakakec. "Eebo, imwasi bo ai kiinakinete yesi eong abu eong aitolot aisikwarunio ngin? Kwana, arai mam ijo ipedori alemun ilukumin luipu luka dollars mam eong abuni cut. Nakabeit ngin. Ido ingai ilosi ijo ainakin aingarenikin awoere? Eebo, kolot ipagis mutan, erai ngesi ejirijiran lokaumokin. Ipagis nges kanu...Ebuni ngol airiun atutubet naka asipanika, iriuni ngesi."

Ikawook luetacitai! Ikalimonokinak luetacitai! Inyobo, adoloki toma adoketait naeraar aitajar itauon aisubis. Mam aitajar itauon erai aisubis naka ekanisa, erai apedor naka Emoyo Lokalaunan kotoma okanisa. Mam aitajar itauon erai e...mam oni igweli ngin kede isirigin. Mam, ipa! Mam! Ngun kere eraas, erai aswamisio, aswamisio, aswamisio, ikalimonokinak luetacitai, ikengarenikonok awoere luetacitai, ikwayas luetacitai, nginibore kere. Mam Edeke ekoto ngun, erai kere aswamisio! Mam Edeke ekoto aswamisio, ekoto Ngesi Emoyo Lokalunan iswamai kotomakon. Edolit ngin.

66 Ebala ekokoro lo 17 ebe:

Naarai ibala ebe, Arai ekabaran,...ido abarit, kwabo mam epuda ibore. Kwabo mam ijani ebe irai lokican, (Oo!)...kwabo mam ijani ebe irai lokican,...lokitimitoi,...loilwaritai,...emuduk, loimujalal da: (Umm! Umm!)

Aomitos kesi ebe araasi "luebaritos," Ipentekotin lu kotoma atur kana nakawasia naka ekanisa. Aomitos kesi...Ido kokinga abaritos kesi teni. Eebo, ipa. Ebaritos kesi. Koomoom ber ijo nuikamunitos ekanisa, atapit kes ikar idis kau, abwoete kokoona, kirenganarete kaiboisit kiton aiboisit, ajaas kede apak naaninik. Konye kwana ejaatar kesi kacie kotoma aduketa nuakapolok kanuejaasi.

67 Ianyu ijo nejaas Assemblies of God kane, luajaatar kede akeceboisit kotoma adukena nupetai nuka abaoi, ibore kwape kangin kane, ido kwana ejaas kesi aiduk aduketait naka dollars imilionin ikanykape, ido ebalas kesi ebe, "Ebunit Yesu katipet noi." Akusiswamisio itogogongitos ebe mam yesi iyuunitos ngun. Erai esoswai! Aiduk adukena nuka imilionin luka dollars ka iboro kwape kangul, ido atemar ebe, "Ebunit

Yesu katipet noi." Kwabo kojaas ikalimonokinak lukican omanikor, komameete amuk kakejenekec, kojarete kede adutuneta aarei nuka emuceri esabiiti; ainyam irwan aarei esabiiti kanu ayangar Akiro Nukajokak abwaan ka iboro kwa kangul, kanu ayangar Ngin nejaas ikeceinacan. Kwabo kadukete oni adukena nuka dollars imilionin ikanykape, ido ekanisa kojaas kede idirisan, lutieik luka alabirai nueculitai, ka nginibore kere, kosodete aibwaikin ngul toma kangun. Oo, ijaatar bobo da yesi kisirigin luipu kiton acepakio ejaatar atukono nuijanakinete ilonin cut kotoma okanisanakec. Abeit ngin!

Imuron kotoma kangina kanu aanyanar ikalimonokinakakec arai iyakiakec. Ido arai ekoto itungan alosit apudor alimonokin, einakinete kesi ngol emuron ainwak kanu aanyun arai...araibo emuron loka adam, kanu aanyun arai...oo, arai ecai nges akou, itei ijo. Emoyo Lokalaunan nges eanyanari ngun, mam ijo ipuda emuron loka adam.

68 "Konye, ebarit ido emamei ibore ipuda." Oo, abeit. Ijaatar yesi kisirigin luipu. Kokinga, ibaritos noi; ijaatar kadukena nuelalak, idirisan luka alabirai nueculitai.

Ido ikalimonokinak luejenete einer! Oo, ikatunga. Ikatunga, alimokini eong ijo, umm, ineraas kesi ejok teni. Epedorete bo kesi aibwo kosodete einer akuar kere, konye komamei ibore yenineras. Ianyu? Nakeponiata kesi...Apeleikinit eong nuka iboro lumam ibusakinit kes alimun, itei ijo. Anyoun aibwo, ka ice kotoma oboro kalu, kosodete einer nuka ibore *mutan ka mutan ka mutan-ka-mutan* yen. Ido ijenete yesi eipone loejaar. Ikawook luetacitai. Abeit ngin. Eebo. Konye, abunore toma olutaari, alimonokinak luinerasi ejok. Arai mam kes enapito isuutin luka tuxedo kede akolai nuibelokinitai aite kau, ido onapitos icebore yenesubit bala ekooti loaogan, inyobo, epupi ekecesipan ileic luabeit.

69 Kosodete ikawook ngul alomun king kangina, angor ngun, itim luuriesik luetubub bala Yesebel, iriagin luilosikina acolor edula koreetinikec. Napelacarete kesi anapito ngin, konapakinete luuriesik ka inapen luka ikiliok, ido abala Ebaibuli ebe, "Arai kenap eberu anapito naka ekiliokit, erai naketal kakonyeneKe." Alosit korotin kikeetos ikecekumes kuju, korai ti edou aitep tikelelea kes. Alecks lukacoa, itocuara, enyunyuraka, Yesebelin nuengangatos! Ngin nges apolou naimameor oni kotoma aisikwarunio adio, erai atutubet nakapolon naka aswam naka acuman.

Oo, ipedori ijo kojaatar eporoto kwape kalo emalaika, ido ebuni Edeke ainakin ijo abongonokin kanuka ngun! Elvis Pressley lo kaiceda, ka Ernie Fords, arai idiobore kere yenenyaritos kesi ngul kangina kede iporotoi lu luejokuka ido aitwasam kes kanuka ajokit, abala Edeke ebe, "Abuni Eong aibura ngun kakaninikec."

70 Ngin nges apolou ayongitor eong amudik Fanny Crosby; mam nges abu kogwela akeinakinete nejaas akwapin. Abu ngesi kidar kede Edeke.

Luipu kotoma otunga kalu eraas ikawook luajokak, itunga luejenete einer, itunga luapolok, ka ice da, aiboisit naka aitwasam atalantakec kanuka Edeke, abu ajokit kitapa ido ejaas kesi ngina iswamaete kanuke. Itunga, itunga lukoredion ka isineman egwelarete akecewat kinga, kinga nen kanuka akwapin aiboisit ainakin nejai Edeke. Ice kotoma kakesi epote okanisa, elosete okanisa, enapete anapito nati naibus, abunore kinga ngina kosodete awoere koipone kangol, kosodete abongor kosodete awoere emiusik loka akwapin akuar naetupakini. Kwape ikawook luijeni oni, eraas luka ece kanisa, alosit kinga ngina kosodete ainom aputosia ngun, apotosia ngun nuka osineman, alosit kinga ngina kosodete awoere emiusik loka akwapin. Ikabakan luka emiusik loka akwapin, ido kobalas ebe idiinikinitos! Erai acoa naka ajokit!

71 Ajaatar etunganan ediopet ka naelosikina-aijen naelosikina napeduc kane. Loabala ebe abeit nges araun ekalimonokinan, ti enyouni ngesi atupuruc kaNasabiiti kosodi alimonokin, kosodi do alosit ngina iingaren...kosodi alosit einer oredio ka awoere da ikososio luka akwapin ka nginibore ice kere koipone kangol, aso kawasia abu kolemu yendididi kosodi aduor akedam kinga. Ayongit eong etunganan ngol kanuka aswam ngun. Naabeit ngin. Erai ngin naabeit. Kejaatar ngesi-ngesi nuipu...Ajaatar ngesi kacoa naeirikasi ka najaatar ipegei ngul, keja ace da, neajaunotor kajokit tomakec apotu kokereta akipi kosodete amiedakin. Icetunga emameotor karaida ber naerikasi kede ngul. .

Ajeni eong ijo...Eong-eong alait eong araut loaninik koipone kangol, konye, onec, iinac, ejai ijo-ejai ijo aibubukin ibore toma ne kanu ainakin ngin-ngin aimakakin! Na nges apaaran nakijari oni kotoma. Aomit eong ebe arai abu Edeke konyara Kerode ekue lomojong, kosodi Yokana anyara ngul aur naka imusagan...Eebo.

72 Ejaatar kesi adukena nukapolok, idirisan lueculitai alabirai, ikalimonokinak luejenete einer, awook luetacio. Eebo, ipa. Inyobo ejaatar kesi kotomake? Inyobo ejai tomake? Emamei idiobore yen kEmoyo Lokalaunan. Anyoun aibwo kane kosodete alosit kinga kosodete ainap Inapen luuriesik, kosodete alomun toma kosodete awoere kotoma okwaya. Yesi lukican lukesoswai! Eebo, ipa. Edolit ngin.

Kosodi ijo ekalimonokinan loilosi toma airiamun naarai einakinitai ijo isirigin luipu adepar luelemunitai kaiboisit ace! Ijo ekengalat, mam ijo ibusakinit ajaut olutaari. Abeit ngin. Isirigin! "Arai mam ijo ipedori

aitemokin ilukumin luipu luka dollars, eebo, mam isio ipedori abunore. Lukapolok kosi ka iboro epote ngina, arai ipedori ijo adumun isirigin ngul ibuni isio. Arai mam ijo ipedori adumun aiswamanar naileleba kede ngitunganan, mam eong abuni. Arai mam ngitunganan kere ecamuni aicamanar kede aileleba (ikanisan kere) tetere eong ajaunos kede isirigin luipu kanu atacia akapesenin, mam eong abuni."

Onac, etunganan obe loka Edeke ti elot arai kingareniki nges Emoyo Lokalaunan, mam ace ibore yenejai toma ainakinet. Arai erai nges ainyam emugaati ka aimat akipi nualeles. Edolit ngin, erai ngesi ekejanakanan obe loka Edeke.

73 Konye eenikinos itunga bonik kede einer oredio ka osinema, ka eipone kere loka iboro luka akwap, kiton nejaar kesi ajaun kede eipone isirigin kwape kangul. Edolit ngin cut bec. Ianyu? Mam ngol erai Edeke.

Abala Ngesi ebe, "Oo, ibarit ijo, mam ipuda idiobore." Abeit cut, konye ibore ngipengin obe yenipudasi yesi, imameotor yesi. Abeit ngin. Konye mam yesi ijenete. Itei ijo, "Ebarit, mam ipuda idiobore." Etacio kanu aswam iboro luiswamaete kesi, abolia akaadin. "Oo," ibalas yesi ebe, "Kijaar isio isipanin lutieik." Oo, abeit. Eebo, ipa. "Isipanin lutieik! Inyobo-inyobo, ijeni ijo, ebunenei ekapolon loka eibuga kalo okanisa kosi." Um-ham. Edolit ngin. "Eebo, ijeni ijo, *Mutan-ka-mutan*, naeponiata kesi otaun, epote kesi okanisakosi." Um-ham. "Kijaar isio kitunga luejenaara kere kotoma okanisakosi."

Eebo, ido inyek kobu lokican, lokalaunan loipuda kolomu toma okanisa, ido eraas kesi aitoronet mamakus. Mam ber ijo ikoto kesi kanen da. Ikuriana ijo ebe emina icetunganan alimun "Amen!" naijaar jo ilimonokini ijo!

74 Bala aberu naabu eong kasiom nuke apak adiopet koitabo kane, abu ngesi kobu okanisa ece. Ikedwe, etopolounit ngesi ngul kokanisa lomojong kokau kalaije kotoma amagoron kanenice nearatar ngul luayongitos Edeke neteni. Aso e...Abu ekesa loadit kolom toma adiope pak kosodi aimany apese. Abala ebe kerai ngesi lokokanisa *lokokinga*, ijeni ijo, ediopet kotoma okanisan lutieik luka erionget kangopekangol kokinga koibuga kangol. Aso abu ngesi kolimok toto ebe kerai ngesi Ekristayot. Aso abu ngesi komany apese kosodi ayangar ngin kinga.

Eebo, kawasia do abu ngol kojaka ngin awai kama ajai ikanisa ngin yenikocaalo kokau kama komor, ayangaun ne, okanisa lokapolon lo, loka ekiror kangopengol; konye sek kokau kama kejaatar kesi kede Emoyo Lokalaunan, kokinga kane kemamei kes idiobore. Kwangin do kejaar kapak kangin nakelomuniata kesi toma, okanisa lo lokapolon lokajokan.

75 Kwangin abu Toto kotema ebe, apaaran adiopet, abuni ngin aanyun akooke. Eebo, apotu kesi koomoomota anyoika nualosete kesi aiswamaikin ngin kotoma akwap. Aso naabunio ngesi asubit do ngesi bala icebore yenikolosek kasonya yeninomitai aputoke oitabo, ediopet kotoma ngul ludidik, etetei loejaatar adal naka omorusing, ijeni ijo, ka igoen lueojak akanin, ka iketim iriaritete kau ngina, kouruok bala emutugulu, koipone kangol (kiriunitete kau, ijeni ijo). Kosodi ngin abunore, kosodi ngesi atemar, "Eebo, Aleluia, naminat! Biabodo ijaar ijo?" Eebo, abu ngesi kotema ebe, "Kwana, kotoma atupuruc erai Nasabiiti." Ebal, "Yesi kere ilosete airiamun, mam?"

(Abu ekiliokit kotema ebe, "Ikwaikini bodo oni ngesi ai?" Ebal "Mam oni kipedori ayangar ngesi ngina koipone kangol!" Kosodi atemar ebe, "Eebo, mam eong ajeni nuebeit aswam.") Eebo, abu ngol kotema ebe, "Toto, mere eong kalimok jo, isio..."

"Oo," abu ngin kotema ebe, "konye, lominat, mam eong apedori aisal mam alosit okanisa. Abeit cut ejai ekanisa *mutan-mutan* loeyapie kane." "Oo," ngin...abu ngol kotema...Kotema, "Aanyunit eong ediopet kalaije kokoona kalaije, alosi eong laingol."

(Kosodi ngol atemar ebe, "Oo, eebo, eebo, eraun do oni aswam ngun.")

76 Aso nalomariata kesi toma, apotu kesi kojalakisi ngin aige alomar toma, (Ianyu?) irumitos ileic kanuke, kobuni ngin atubun korot kede isikati yenididi, ijeni ijo, kede ekEbaibuli kakanike. Eebo, onac, epedori ngesi komameotor Kekekiror kotoma kaneejai *Ingai bo Nges Ingai*, konye aomit eong ajaatar ngesi kekekiror toma Oitabo loka Imerekek loka Aijar. Ngin nges kerai ibore yenapol.

Nealomaria ngin toma okanisa abu ngesi kiboikin kau nen, kiboikin oicologoke, ijeni ijo, kosodi ageun aisiom. Kosodi ngitunganan kere ageun angolengol, koomite bala adounit ibore yenetegelikina kanenice. Kongolengole koipone kangol, "Oo, ikatunga!" Konapitos ikecegoen kere lukajokak, ijeni ijo, aput alopet naka luka Laodikia, kede iiteiteinikec luibusiak ka ice da. Apotu kongoliasi kau kosodete aanyun toto na iboie kanen, kede aimunumuno naepol koreeteke, ijeni ijo, kosiomi Ebaibuli. Eebo.

77 Kosodi ekecokon, akaulo apak naedit, akaulo na kes angetakin iboro luce kere, abu ngol kawasia, abu ngesi kojaunos kede idakikan itomonakany kanu einer. Aso abu ngesi konyou kosodi atemar, "Ejakuna Ejakait."

Abu ngin kotema ebe, "Kituritete Edeke! Abeit ngin! Aleluia!" Kosodi nginitunganan arior ekemorosing bala atudo naka esamai, kongolengoleete, "Araibo ngin ingai?"

Kosodi do akaulo naka apak naka edit, abu ngesi kotema ebe, "Umm! Umm! Umm!" Abu ngol kotema ebe, "Ikristayon kotoma kanginitur ekoto koraas ikirigin, lukaumokin, Ikristayon loajokak," arai icebore kotoma ainapeta kangun.

Abu ngin kotema ebe, "Kituritete Edeke! Abeit ngin!" Kosodete ngul kere angoliar.

Kosodi ngesi atemar, "Umm!" angoliar neeboito idikoninike.

Kosodi edikon adumun aomisoit. Kobongori kosodi aikamun akan naka aberu kangin kosodi arikor ngin kinga kokek, ebal, "Itolitolu ijo ekecokon."

Itwanit ijo ido komam ijani! Eebo. Oo, inyobodo elosete akusilabirai nueculitai ngun aiswamaun? Inyobodo ikusicolongo luegongare? Ido inyobodo ikusisipanin lutiek? Elosete arasar okatwak, kwape elomaria inyiporit togoke. Naarai arai imameotor ijo kEmoyo loka Edeke, iwoliorit ijo! Arai mam ijo kiuritari irwan nakiareit mam ijo ipedori aanyun Ajakanut naka Edeke.

Edwar ngin. Esubit bala kwape atapitor eong aimat castor oil, abu eong katema, "Toto, mam eong apedori karaida atitingikin ngin."

Abu ngesi kotema ebe, "Arai mam ngin einakini ijo etau ailekilek, mam iswamauni adiojokis." Aso aomit eong ngol nges eipone loejaar Na da.

78 Oo, karai ti ijo kopedori ainerakin kede kes! Oo, adukena nutiek, nuibusiak, kaceda. Oo, kesi-kesi-kesi...Kolot okanisakec, ti ijo itema...Alosit okanisakec kosodi atemar, "Eebo, alimokini eong yesi, yesi iraaas Ipentekotin?"

"Oo, eebo. A-ha. Abeit cut, irai isio Ipentekotin."

"Yesi iyuunitos aurio irwan nakiareit?"

"Eebo."

"Eebo, akoto eong aitodikin yesi icebore..."

"Oo, kosesen ber ijo aduketait na! Ijeni ijo etiai loka aduketait...etiai loka aduketait kana? Abu ngin koyangaik atutubet nakiuniet naka dollars emilionit kanu aiduk na. Ijeni ijo, mam atapit oni ajaut kede ngin koipone kangol. Atapit oni-oni ajaut ngina okoridon." Um-ham, kosodi angolengole, idumuni ijo iboro lu kere lukapolok luajaatar kesi. Eebo, ipa. Ido ebalas kesi ebe, "Oo, kijaar isio-isio iboro lu kere luapolok!" Konye emameotor kesi kalangir kanuka itauon lueolioritos! Ekotosi duc kesi aitodikin ijo alalau naka aduketait naejaatar kesi. "Kongolia ber enaaba kosi loiwadikaunitai ka Naesabiiti "Inyobodo ajokis iswamai ngin arai emamei Emoyo Lokalaunan? "Ibarit, ileleba iboro, komamei ibore yenipuda."

Ngun kes nuabala Ngesi, "Iomit ijo kwangin, konye komam ijani ebe icana ijo, ilwarittoi, itimitoi, imudukana, imujalal. Komam ijani!" Ianyu? Ngesi nen.

79 Oo, abeit cut, ebalasi kesi, "Ijeni ijo inyo? Atapit oni araut...Ekanisa loatapit oni aitwasam ejai kwana atutubet nakokau, erai kwana lo loapolon!" Ido alimokini eong ijo emamei alangir kanuka itauon, konye ekotosi kesi aanyun ebe iboro lu kere idaritai. Aigange naka angor, ka iboro luce lu kere, kere idaritai, konye emamei alangir kanuka itauon lueolioiritos. Oo, etunganan nuadoloki-nuadoloki ekanisa lo toma!

Mam kesi apodokinitos kanuka itauon, konye apodokinitos kesi kanuka abar. Edolit ngin. Ajaatar kesi kalangir naebucara. Ajaatar kesi apod kanuka akecebar konye mere apod kanuka itauon lueolioritos. Abala Naiwadikatai ebe, "Mam kes ajenete ebe ecanasi," (Oo!) "ilwaritos, emudukaka."

80 Eomitos kesi ebe ti kes keyangaasi isirigin kosodete aibelokin akwap. "Oo, arai bon oni kapedorete aitegear ainapeta, nuipedoria oni adumun isirigin luipu kane, eyuunit eong ebe ti oni kibelok akwap. Arai ice kotoma otunga luebaritos kokanisawok, Onac Branham, karai bon oni kapedorete adolokin abokun, ido eyuunit eong ebe ti oni kigeu atukot naebuni-naebuni alosit airimor kosodi-kosodi aibelokin akwap. Ti oni kiyanga idegei kosodete acakanakin apapulai nusioman Afrika kere, ka iboro kwape kangul. Karai bon oni ajaatar kisirigin!"

Onac, mam akwap ibelokinio kede isirigin. Ibelokinio akwap kede Emoyo Lokalaunan ka Emusalaba ngesi bon ebuni araut ibore yenibelokini akwap. Mam ainapeta nuka Edeke erai isirigin. Erai Emoyo Lokalaunan, ngol nges erai ainapeta nuka Edeke kanuka Atur naka Ekanisa loka Laodikia arai atur ace bobo kere naka ekanisa. Eebo, ipa.

81 Ekotosi kesi Emoyo Lokalaunan. Oo, ebalas kesi ebe, "Irai oni...kijaar kesabu." Kerai esabu, eebo, konye mere lokepone lokajokan. Kejaatar kesi kesabu loepol konye mere lokepone lokajokan. Aso, abu

Yesu kicorak kes ebe, "Ajeni Eong ebe ibarit ijo, ido ijaatar kesabu, ido mam ipuda idiobore," konye:

Aso etetemikini ijo ebe, kogwel kamakang esabu loililiaunitai kakim,...

Eipone loka esabu loitegelikina, eebo, esabu loililiaunitai kakim, loabu kitor akim naka atwanare, loabu kitor Kalvari, kolomuni kinga.

82 Esabu loepol loijaatar yesi kwana erai loemunara, ingemingemaar, icucukai. Arai ipedori ijo aiwadik na, Yakob...Yakob Lokalaunan 5:1 kiton 4, ido ianyuni ijo nuerai ngin, ebala, "Aso ca yes ikabarak, kwana kotoma abunore naka Ejakait, komonyata ido kibwololoto naarai eponitos aitakanetakus adoikin yes, adau esabukus aitalig kotomakus." Itei ijo, ngol nges eipone loka esabu loemunar.

Konye esabu loeinakini Yesu erai Emoyo Lokalaunan, Akinyet naka esabu naka Emoyo, abukokin toma otaukon. Ido-ido, oo, ikatunga, "Aso ketetemikini ijo ebe, kogwel kamakang esabu, arai ikoto ijo aibar." Oo, eebo.

83 Bobo da "amudukaka" kesi. Kwana, erai ngol ejautene lokeipone loerono. Mam eong aomit ebe amudukaka Ikristayon lu noi kwape ajaatar kesi kwape "luasesenete die." Acamunit eong ebe asesenete kesi die. Ibore bon yenasesenete kesi nges adukenakec nutieik. Ibore bon yenasesenete kesi nges esipanikec loti. Ibore bon yenasesenete kesi nges ekwaya loetutuoritari ejok kede ikecenapen kere lutiek ka iboro. Aomit eong ebe asesenete kesi neayapie, mam kesi apedorete asesen adepar ikecekumes, kapatan. Mam eong aomit ebe amudukaka kesi, asesenete kesi die. Ibore bon yenapedorete kesi asesen nges ikece... "Eebo, ijeni ijo inyo? Irai isio luika *Mutan-ka-mutan!* Ikecediin, ikecesipanin lutieik, imeeban luipu, akecetukos naka Nasabiiti, akecedukena nuibusiak.

84 "Konye kipudasi kesi Emoyo Lokalaunan," abala Yesu. Epudasi kesi Emoyo Lokalaunan! Kwangin abala Ejakait kes ebe, "Akongu...Arai irai ijo...keroko akonikonye noi, ido koseseni ijo die noi kiton nemam ijo ipedoria asesen idiobore konye aduketaitikon nati kane ka esipanakan loti lokajokan, ido ijo...ka abunene naka emeya loka eibuga ka kere okanisakon ka ijo ajaut kitunga luejenara noi. Kosodi ijo aimurwokin Eong. Konye arai imudukana ijo aduketait ngin, ido kopasite akonikonye kwangin, etwegelikini eong ijo akinyet nakinyonyoa akonye." Eebo.

Itei ijo, erai naitegelikina ebe amameotor luesiomitos noi akiro nuka ediini kidiobore kwa kangin, ngin tope mam? Ajaatar kesi akinyeta nuipu, ajaatar asioman naepol naka ediini. Konye epudasi kesi akinyet nakinyonyoa akonye, Emoyo Lokalaunan loka Edeke, kanu ageresia akecekonye kosodi ainakin kes asesen abunore naka Ejakait, ainakin kes asesen Ebaibuli, ainakin kes asesen Akiro. Ejenete kesi eipone loka alimun ebe "ei-meen" ejok cut bec. Ajaatar kesi kakinyet naeur ma, ajaatar kesi nuinyonyoanagina kere. Konye, "Epudas kesi akinyet naatudet akonye," abala Ejakait. Abala, "Ipudas yesi akinyet atudokin akonyenekus, ido ebuni ngin apukor ngun."

85 Atapit ebe, nearaar eong itelepat yenididi...alimunun eong na, acamunit eong, aticepak alimunitor eong na kokanisa kalo. Abu na toma aomisioka kopekwana. Etopolounitari eong komor luko Kentucky, ewai loedit loka apakika, ido kiboie isio kokai loamojongit loka arwatat naka abaoi. Toto, kane...Ido kijaar isio-kijaar isio kiiboisit yenididi kokuju naetogo kangol, ido kijaar isio kejamu loka-loka epar. Ido kokuju naka ejamu kangol loka epar ajai ijamu yenajul. Mam eong ajeni arai ijenete yesi nuerai ijamu ngin yenajul arai mam, arai ejamu loka epar, ejamu loemojongit, kicana isio noi. Papa kede toto ajaas kede etaada agoola naka okwap. Aso kidokari isio mot kuju amadala kasodete adolore kuju, ido amina toto ace-ace-acepakio aibwaikin apapulai kuju naka abureta ka iboro, ka airiebor e...Ijeni ijo, ijo aibwo...apero kanen kosodi aimar aacer kakidingos naka abao kangun nuemojongitos angirikinit aica naka elap, ijeni ijo, ido kojaas aipanya nuapolok toma atunyuru koipone kangol.

86 Aso neaminar alilimior ciici arai icebore, arai edou abunore, kwape aminatar ludidik angopit kokwap naka apapula kana, ijeni ijo, aidarit ngul...aidarit komam epalalakaros. Ido acepakio ekwam elomunenei kapanya ngun, imina isio-isio-isio adumun alilim, kosodete akosikonye aipucakin. Ijeni ijo, aitobwouno kere kede alilim, alilim kotoma akonyekosi. Kwangin anyarari toto isio tupuruc, "Kodokutu kwap." Alimuni eong ebe, "Mam eong apedori abunore, toto, naarai ipucakina akakonye kere." Ejaas-ejaas iboro tomake, ijeni ijo, alilim kotoma akonye. Mam eong apedori apukor kes, ijeni ijo. Ludidik eperete kangina, kede eong ibukururosi ido otamitos kesi apukor akecekonye ido mam isio ipedori aswam ngun, etumudikitai.

87 Arai papaaka ekalokan itiang, aloki ngesi itiang, itiang. Ido arai ngin angaleu kere kotoma togo kosi, nges arurak naka itiang. Ipusenenei amuk kede arurak naka itiang. Ido arai ibu ijo kojaatar kaola, ebwaikinio akinyet adio naka ekitoi (loenyaritai pine- Ekewa.) tomake kosodi do, eebo, ajai ijo ailikor ngin, kwangin, kanuka aola.

Kosodi do neepucakinotor akosikonye, alemuni toto abore na... "Eebo, ipak edit ber, lominat." Kokeri ngesi kinga toma apibiro kosodi alemun ecupa lo lomojong loka aruruk naka etiang kosodi asipokin ngin nen, kosodi aitwamanun ngin cut ejok. Kosodi ngesi abunore kosodi ageret akosikonye, itei ijo, kiton ngin acamun aswam. Ido akaulo naka apak naedit apedori eong aikweny, apukor akakonye. Akinyet naka

etiång ngesi apukori ngun.

88 Ido kalimokini eong ijo, kijaun oni kede ekwam! Ianyu? Ajaun alilim nakabeit itorit toma akwap. Abalas luka Baptist ebe, "Atuboros apaarasia nuka nukapedor. Emamei ibore ngin ebe Emoyo Lokalaunan, ido emamei einer kotoma angajepa. Emamei aibatisao kotoma Okiror loka Ejakait Yesu." Ido, oo, iponesio kere luka ikwamin, ido kipou kogolekisi akonye nuipu kede ecepone loka alilim nakomoyo. Abuni ayangaikin adepar akinyet naka etiång kanu apukor akecekonye, onac. Abuni ayangaikin aibatisao nakitetet naka Emoyo Lokalaunan...?...kanu ageret akonikonye kosodi ijo apedor asesen, alemar awai asesen die kotomakon tetere ijo ipedori aanyun ebe erai Akiror naka Edeke abeit. Edolit ngin. Oo, Etetemikini Eong ijo abunore adumun akinyet naka akonye kamakang, eipone kanainyonyokini akonyekon." Kwangin ijo... Kwangin...

89 Ejaas luesiomitos noi nuka ediini kede akece...akiro nuka ediini kere, ka akecekinyeta ka iboro, konye eyangaikini nuipu naka ngin. Eyangaikini Emoyo Lokalaunan kanu aijaikin aitapoet nakomoyo tetere aanyun apedorosio nuka Akuj iswamaete. Emoyo Lokalaunan, ainyonyoikinet naka Emoyo Lokalaunan! Nakinyonyoa na erai akinyet naemwana, ijeni oni ngun, kosodi do Emoyo Lokalaunan nges Akinyet naka Edeke.

Kosodi aisisia kere naka akiro nuka ediini ka akinyet naeur ma, "Oo, onac, lominat, ijai ijo ejok. Emamei ibore yenerono kede...Nginibore kere edolit. Eebo, kijaar isio kekanisa loapolon kakere loejai toma oibuga." Akinyet naeur ma ngin mam ebuni aswam! Mam, ipa. Ebuni ainakin ijo asesen cut *nepene* (die) kosodi atemar, "Eebo, kijaar isio kekanisa loapolon kakere." Konye dobodo Etube loebunit naebunio Edeke ainakin ijo abongonokin, yesi imeeban luka okanisa loka Laodikia?

Mam eong enera nuipu kane, konye ajai eong ateepe ido elosi anatar akwap kere, itei ijo, kwangin, do enera eong kede nepetai imilionin luipu luka itunga kotoma apak kana, itei ijo.

90 Aso ngesi bo do ngin. Loko Laodikia! Ejalam! Ebongorit kau! Esesenete die! Mam eong ajeni inyobo do kere! Inyubui! Enyubu erai yeninyalunitai, emameotor ngesi kaijen nasodit ber da. Ido ijo ainerakin kede nges, ikeuni ngesi aki ngun kuju, kolosi, Hau! Hau! Hau! Hau!" Emamei asianut mamake. Erai ngesi yeninyalunitai, ejai ngesi kiding naka ebalait kede asigiria. Ngin nges ationis kwana, ijo aibwaikin Inikolain kede luka Laodikia nepepe, ido itolomuni ijo asigiria bobo. Nuipuda oni...Edolit ngin. Mam kesi ejenete. Ijo alimokin kes nuikamunitos aitangal naka Edeke, aibatisao kokiror loka Yesu. Etemarete, "Hau! Hau! Mam ekacokon...Hau! Hau! Mam isio iyuunit ngin kwape luka Presbyterian." Amamus aijen! Eipone loebeitor anyara ngin nges ngol...?...

91 Alait eong enyubu. Konye kalimokini ijo, amina eong ebalasit elopet lokajokan loiyapaara, esapat, ipedori ijo aisisianakin nges icebore. Ipedori aisisianakin nges akukokin ka alomar toma abolia, ido nepetai aswam kwape epedoria etunganan, naarai erai ngesi...ejeni ngesi icebore. Ejaatar ngesi kauriak. Mam enyubu ejeni loarai papake arai ingaibo arai totoke, ido mam ngesi epedori auruun bobo ice. Ngol nges eipone kede ice kotoma odiinin kalu, lumojong, luelilim lukerionget, mam bobo kesi epedorete anyoun. Naelosio ekanisa toma orionget, adau atwanare! Mam enyouni bobo. Inyobo ngin? Erai loeropitai!

Adolit Martin Luther, konye nearaunor ngesi erionget inyobo abu ngesi kiswama? Methodist adolit, nearaunor ngol erionget inyobo abu ngesi iswama? Adolit Pentekosit, konye neipotu yesi kitarauuniata ngol erionget inyobo ipotu yesi kiswamata? Ainyalakin ngol, ipotu yesi kinyalakisi ngol toma okanisa loka Atulik loka Inikolain. Bec nuapotu yesi kiswamata! Ayangar ekeipone loka aibatisao, ayangar ekeipone loka aswamisio, ido abala Ebaibuli ebe, "Iraas yesi akoku naka naadote amalayat. Akoku naka amalayat!" Edolit ngin cut bec!

92 Ebalasit lokajokan loejaatar kauriak, apaarasia kere, iyapaara ngesi. Oo, ejok ngesi, amina eong nges. Idokokini ijo akekou okeperinikon, emina, esiana. Inyobo? Ejeni ngesi loerai papake, ejeni ngesi loarai papaake. Epedori ngesi abongor cut kau, ejai nges ateker.

Ido kaminakit eong asesen Ekristayot obe loejai ateker! Mam ijulujula: erai loka Methodist osabiiti je, ido loka Baptist osabiiti lo, ido loka Pentekosit osabiiti lo, ido loka Pilgrim Holiness osabiiti ngol. Mam nges ejeni ingaibo papake arai ingaibo totoke. Konye ber eong kalimok ijo, etunganan loeuritai kede Emoyo loka Edeke epedori ainyakar ijo kau cut kiton apaaran naka Pentekosit; epedori alimokin ijo ebe ejai ngesi ateker, naka Pentakosit! Amen! Akoto eong araut loka Pentekosit anyoun kuju akouka kiton otau loka akejeka. Mam eong apeleikinit Pentekosit naka erionget. Apeleikinit eong apedor obe naka ajarun naka Kristo, Arereng obe naka Pentekosit.

Ekiya lokinyonyoa akonye, apukor akonikonye tetere oni kipedori angoliar kau ngina asesen neabunitor ngol. Iseseni bon ijo nuerai ekanisa loka; angoliar kau neabunio, kosodi ainyikokin alosit iingaren neejai Edeke, ibuni ijo anyoun awai kama kangin. Eebo, ipa.

93 Eebo, abu eong kaanyu icebore, ebala, "Imujalalas kesi; imujalalas ido komam ejenete." Eebo, ipa. Abeit cut.

Oo, imujalalas ido komam ejenete. Kwana itunganan ngin erai yenejai erono noi, arai erai etunganan lokican, emuduk, loilwaritoy, kimujalal. Kwana, arai ejeni ngesi ngun, ebuni ngesi aingarakin akekuan; konye arai mam nges ejeni, ijangakina do akou ekesa lokican ngol. Ngin erai naabeit? Otukui! Arai ngin nasubit bala egogong. Ijangakina, emamei ngesi aijen nailesikino kanu aingarakin akekuan.

Ianyunitor ijo itunganan ebuni korot, icana, itimitoy, komudukana, ilwaritoy, ido kimujalal, kosodi ijo atemar ebe, "Onac, imujalal ijo." "Oo, abeit? Oo, Oo, onac, kingarakinai eong kanenice, kingarakinai eong adumun inapen.

94 Konye ilosi ijo nekec kosodi atemar ebe, "Ebe, yesi idumunitotor Emoyo Lokalaunan anyoun nakiuniata?"

"Inyobo ijo, lokalaunan-loibelibelo? Eebo, ebe, inyo ipeleikinit ijo? Mam inera kede eong kwangin, arai eong loka Presbyterian, arai eong loka Baptist, arai eog *mutan-ka-mutan* ido *mutan-ka-mutan*."

Imujalal kwabo komam ejeni! Kwana, mam eong alimunit ngun, Ebaibuli nges abala nen kanuka atur kana, "Imujalal ido mam ejeni. Kobia kogwel kamaKa," Abala Ngesi.

...*Anapito nakwangan*...

Anapito nakwangan erai naka Lukalaunak; erai adolit naka Lukalaunak. Ianyu?...

Imujalal? Oo, ebeit! Eebo, ipa! Oo, ibala ijo ebe "Onac Branham, mere ekosikanisa, erai ekanisa luenapitosi ejok kakere koibuga!" Mam eong abunokin ngin; ice kotoma ipitenesio luka anapito lukitetiak, ajoolai nuetubitai ejok kakere, anapito nakativen kwana naka aboliak luejenara ko Hollywood. Isingobelete noi aelo ipedori ijo aisupar aomisio nuka nginitunganan kere korot. A-ham. Abeit.

Abu aberu kalimok eong, ebal, "Onac Branham, ipeleikinit ijo alimokin eong? Kwana, kigweli isio inapen lu koidukai ido ngul bon luipedori ijo agwel."

Abu eong katema ebe, "Eroko egwelanaro ajolai ido esubio acalanin. Mam ngol erai nailosikina ayuaror kanuka ngun."

95 Abala Ebaibuli ebe, "Loeseseni aberu kaingobel adotiata kede ngin kotauke." Ngin edolit? Kwangin, do, arai kenap aberu koipone kalo isingobeli aelo kosodi aitodiar koingaren naka ekiliokit, ingai bodo ebeit aitoron kanuka ngun? Aberu ebeit aitoron, ngesi etolomuni ngun. Edolit ngin cut bec.

Kwana, ipedori ijo korai naipiororoi kwape apcelit neejai okilenikon. Ipedori ijo korai ipese yenididi yenimam iswamator idiobore yenaronon kotoma ajarakon, korai abekot apak naidukokininor ijo kede okilenikon. Konye arai kinap ijo kwangin kosodi aidupor ikiliok asesin ijo koipone kangol, adau ngol adote kede ijo kotauke. Abu ekadiakanaran ngol kongolia ijo. Kwape Akristayot ekoto ijo konapite igoen luejokuka kakere koibuga, itaabatan luejokuka kakere, konye mam erai naibusakinit Yenikalaunan yenika Edeke ainap kwangin.

96 [Aboisit naemamei ibore kateepu-Ekewa] Oo, eebo, mam ebuni neejai ikoku yenika Edeke.

"Oo, mam," Ebalas kesi ebe. Ijeni ijo, ebalas kesi ebe, "Ekosikanisa..." Inapitos yesi ejok? Abala kesi ebe enapitos ejok. "Abaritos kesi, komamei ibore yenipudas." Abeit. Inyobo, abalas kesi ebe, "Karaida ekosicokon elosi kinga konapite elou loti loapolon. Ekwaya kere elomarete kinga konapitos anapito nati naapolon." Abu ajokit kongop kokwap naka ngin. A-ham. A-ham, edolit ngin. Oo! Umm, umm! Ijeni ijo, ejok do eong mam alimun ngin da. Tetera, acamakini ngin etubor. Eebo.

Oo, iboro lu kere lutiek! Ikwayai luitanapitai, ikwayai luetacio, ejai ijo aitac kesi kanuka awoere. Umm. Ejai ijo ainakin ekalimonokinan isirigin luipu arai mam edumuni ngesi ice yenetaci ngesi ejok. Enyarauni ngesi idikonin nepepe kosodi atemar "Kwana, inacan eong-eong...iraas lem yesi luisiak noi mamaka kane, ijanakineti yesi eong akwat nuipu esabiiti," arai icebore kwape kangin. "Konye Ekanisa loce je loka Presbyterian loka..." (Konyara ngol "Loka Pentekosit" arai loerai ngol kere.) "kalailo, esumunikisi kesi-kesi eong ebe epote kesi ainakin eong *luetia nen* luyatakina. " Oo, ikatunga!

97 Aso inyobo do ejaatar ikalaunan yenikican? Ani bodo arereng naejaatar kesi? Inyobo do ejaatar ekanisa lokican loilelebas kede Emoyo Lokalaunan, inyobo eipone loka arereng ejaatar kesi? Mam kesi apedorete agwelun idiobore kwape kangin. Aso itonyoikini do ijo Ejakait icebore, amen, yenelemuni Ngesi Elopel kede akekan, kilelebikini ngol kede Emoyo Lokalaunan kosodi asipokin nges kwape ekaanyanaran lokapolon neejai ngol. Kijukuni kwap...abala Ngesi ebe "Etetemikini Eong jo abunore kosodi agwel inapen luakwangak kama ejai ngol." Abala Ebaibuli ebe, "Anapito nakwangan nges aswamisio nuajokak-...nuka lukalaunak."

98 Kwana, eyuunit eong ebe oni...Alototo ber oni nepetai-nepetai okokoro lo 19 kwana. Aomit eong nepetai okokoro lo 20 nges kijai oni toma, koipone loejokuna kakere loapedoritor eong aanyun. Eebo, eebo, kasodi agolokin kotoma kana. Kwana, ililing cut tiiti kwana kosodi apupokin kwana kwape kiswama

oni nu. Opupok:

Koany, abwoi eong kokek ekungukungi; arai epupi itunganan kere ekaporoto, kongaa da ekek, alomari eong mamakeng...amori nepepe kanges, ngesi da keong.

Ngin yenipikori ainakini nges aiboi keong oicolongoka, kwape abu kepikoria keboikin nepepe ka Papaka oicolongoke.

Ngin yenejai akit, kopup nuelimonokini Emoyo ikanisan.

Na nges adiopet kotoma alimununeta nuepolok noi nuanyunitor eong kotoma Aitutuket Nakitetet. Akoto eong ijo amisiikin, "Abwoi Eong kokek ekungukungi." Erai lo ekokoro loitwasamao noinoi kanu ainganga ikadiakanarak. Ngin edolit? Ilimonokini oni ikadiakanarak, "Ejai Yesi okek, ikungukungi." Konye kane ikungukungi Ngesi ekek *loka ekanisa* losek aupananatar Ngesi, konye apotu kesi (kede ekecerionget ka akwapin ka alilim) apotu kolemasi Nges. Ajai do Ngesi kinga naka ekanisa.

99 Kwana, kiitu, kotoma atur nasodit naka ekanisa, kwape kigolokina oni, alosi Ngesi kakidingos naka ipirin luka atalai ikanykaarei luka esabu (Ngin erai nakabeit?), aturio akanykaarei nuka ekanisa. Ido kangeset kane, kidumuni oni Ngesi ejai kinga naka ekanisa? Ko Laodikia, ekanisa loka Laodikia. Kinga, adaunitos kesi alemar-...alemar Ngol awai. Inyobo, abwoi Ngesi kokinga kotamite abongor toma. Esil bo lolo aput na biai! Eketajaran loka akwapin, ebwoi kokinga naka ekanisa loabu Ngesi kogwel kede Akeokot Obe. Kirumata kes ileic!

"Abwoi Eong kokek ido ekungukungi." Akaulo naka aremunio kinga arai airutario, kotamite do abongor toma, aliaar toma ido ikungukungi kokek. Erai na akirot naededeng kakere kotoma Aitutuket Nakitetet. Aomit eong bala emamei ibore yenerono adepar na, asesen Eketajaran loka akwapin elemaritari kinga naka ekanisaKe Obe, atur naka Laodikia. Akaulo na Nges adaun alimokin kes nueswamatos kesi, akecebar ka nginibore, ka nuaraas kesi, ka eipone loajalamatar kesi kaceda, ido ajaatar kesi-ajaatar kesi...kesi...mam abu koyangaik Ngesi alekar kesi kinga, apotu kesi kolekasi Ngol kinga. Ido ajaas ngun kere ne, eroko ikungukungi kokek, etamit Ngesi abongor toma. Kanukinyo? Kanu ainakin kesi Aijar Namam Edaun. Ngupengul luaarete Nges ko Kalvari, atamit Ngesi aitajar ikecetaun. Erai aput naepipil kakere naanyunitor eong kotoma aijaraka, nueomoomootore.

100 Elemaritari awai! Inyobo aponi kolemarai Nges awai kotoma? Kwana, kopupok, ipapero. Arai tope mam na erai nainomit! Kodum aputoke, koloma ngin cut toma aidules nakotaukon. Ewokotajaran, neajaar Ngesi toma akwap, aponi Nges kolemarai awai katekeriKe obe. Aponi Nges kongeroi, aponi Nges kolemarai awai. Apotu akwapin kolemasi Ngesi awai kosodete aibubukin Ngesi. Kwabo do kwana, kama kokanisaKe Obe, alemar Ngesi awai. Mam Nges ekotoi kadioiboisit, mam kes ipudasi Ngesi. Ejaatar kesi kediini, mam kes epudas Ngol. Ejaatar kesi kipaapa, inyobodo bobo ipudatar kesi Ngol? Ejaatar kesi ka ekaanyanaran loepolokit akwap, ekaanyanaran loapolon, amamei kesi ajokis naka Emoyo Lokalaunan bobo. Mam kesi epudas Ngol bobo. Kristo, Emoyo Lokalaunan, mam kesi epudas Nges. Aso kesi...

Mam eong eyuunit ebe apotu gul kodakunos kosodete acakar ngol kinga, naarai mam kesi atwakiaritosi Ngol. Mam kes atwakiaritosi Ngol, naarai aroko kesi ewoete ikososio neejai Ngesi. Aroko ekalimonokinan inera nuikamunitos Ngol, aso mam kes atwakiritos Ngol. Konye aminakec akwapin ka ekecerionget, ainapinap, einer ebe, "Atuboros apaarasia nuka nukauumokin ido ido emamei ibore ngin kwape ebe *na ka ngin.*"

101 Engisi eong yesi. Kanginisikwarunio nairiitor abunore (adio, yesi luijenete akiro nukolosek), kwana, anatar lu kere, ikanisan lu, nginisikwarunio naiiritor abunore, e...etolomunio duc kokinga naka erionget. Ediotunganan loageuni aisikwarunio, ajai kinga naka iriongeta. Ido nginipak naegeunor aisikwarunio, ajaatar kesi kede aanyuneta ka nukauumokin nuka einer kotoma agejepa ka aitangal, ka ace da kwape kangun, iswamasi. Katipet nepekatwania ekageunan ngol, kitaraunete kesi ngol erionget kosodete aismamaun erionget kotomake, kosodi alosit cut "atwanare" ido mam bobo Edeke abu kiswamanaros kede ngol bobo. Abeit ngin cut.

Ido Ngesi lo kane kotoma atur nakawasia naka ekanisa, ebwoi kokinga naka ekek, Edeke Lokapedor kere. Itipipili ngin ekatau aomoom nuka ngun. Ekajait ebwoi kokinga naka ekek loka eKekanisa obe, akaulo na airutario kinga kede akwapin ka alilim ka erionget ka aitapalunit, ebwoi kokinga naka ekek, kikungukungi, etamit abongor toma. Neabu eong kaomoomoa ngun, apak edit kau, abu eong kagongakin omesaka kasodi agear aimony. Abu eong aomoom...

102 Aomoomoenenei duc eong, apak naeboio Yesu Kristo kotogo loka Eparisayot kangol lomojong kane, amamei itunganan yenabu kopupok Nges, neajaatar Ngesi kakeje nuepwokuna. Mam apotu kiriamunos kede Nges kokek kosodete ailot aKekeje kosodete ainyonyoikin Nges, alemar alupok ka iboro lualosio Ngesi; aKenapito epiei akwap, ayangaun agasia namojong naka erot neetorit asigirian ka iboro toma, kosodi-kosodi adumun agasia kamaKe.

Elosenete duc kesi akeje, arai ngol einono. Ido abwoi etunganan kokek. Ido neabunio etunganan,

elosete kesi akekeje, kosodete aikeikin kuju kosodi alemun asilipan nuedolitos nges, anapakin nges ngun, kosodete ainyonyoikin akekou kede ake...kosodete ainakin nges aisa neur ma, ka ailiaca koreeteke kama ejai aica naka akolong, aiburasar iketim kau. Kolomari ngesi toma.

103 Kosodete aisukunyikin epejonon, kwana lo ngesi eipone loe...Kobwo ber ijo mot kane, Pat, akoto eong aitodikin ijo icebore. Lo nges eipone loeswamata kesi, esikunyunete kesi ngin koipone kalo. Kwana, eyuunit eong...Mam, bala kane, eyuunit eong ebe esubit bala icebore kotoma ainapetai kwa kana, aisukunyun kopone *kalo*, itei ijo, kosodete atunanar idiopet kayenice. Ido esukunyunetai ngol.

Konye neabunio Yesu opucit lo, kwape bala kwa abunio Ngesi opucit loka Ipentekotin kane, atwanarit icetunganan Nges. Apodokinitos kesi akecekiro, ikaanyanarak ka ice da ajaas ngina. Aponi Yesu kisukunyikinai konye amamei itunganan yenabu kilot aKekeje. Ido kangina ajai Ngesi iboie kotoma osoda, mam kesi ajenete ebe ajai Ngesi nen, ipwokuna akekeje, apua kiriamite Nges kere, apua

104 Kosodi do ajai amalayat nakican korot nabu kobu nen, ajaatar bon ngesi isisrigin idis opuko. Kosodi ngin angoliar kosodi aanyun Yesu iboie kanen kede akeje nuepwokuna abu ngin itipipil eketau. Abu ngesi kotema ebe, "Ngol nges etunganan loapupunit eong loeswamai aitangal. Inyobo mam kesi epodokinitotor Nges?"

Naarai ajaas ikaanyanarak ka ngul, apotu kirengeasi Nges kinga. Ajai Ngesi ngin...Apotu kisukunyikisi Nges abunore.

Eipone ngol kiswama oni. Isukunyikini oni Nges abunore toma ariamuniwok, konye neebunio Ngesi irumitos oni ileic kanuKeng. "Oo, mam ti eong kasalak abwoi ido atemar ebe, 'Kituritete Ejakait.' Oo, mam, iboie Joneses kanen, epote aomit ebe arai eong lokalaunan loibelibelo." Ijo lokesoswai! Nakabeit ngin. "Akuriana eong ebe elemuni eong kener kotoma angajepa ido anyaraete do kesi eong ebe etunganan loka angajepa." Irai ijo loilwarittoi loitimitoi!

Kwana, kiitunitos yesi, elosi na toma, itei ijo. Irai ijo loilwarittoi, loitimitoi, lokican, imujalal, ido imudukana, ido komam ijeni.

105 Yesu iboie kanen kede akeje numam elositai. Kosodi aberu namalayit nakorot, aseseni eong ngesi eloloari kwap, kenerata ber oni...alemutu ber oni ngin adakika adiopet. Aseseni eong ngin elosi ngina neejai aingadis, kosodi ngesi atemar ebe, "Eong..." Kosodete akiyo agear alele koreeteke, kosodi ngesi atemar ebe, "Mam eong-eong apedori aswam ngun. Arai-arai-arai ayanga abore na ngina. Ejenuni Ngol neadumuna eong isirigin lu. Ejeni Ngesi eipone loadumunia eong, konye ngin bon nges ibore yenajaatar eong."

106 Ngun bon kes nuipuda Ngesi. Ngun bon kesi nuipuda Ngol. Ianyu? Mam Nges epodo. Kobu ijo abunore bon, "Emamei ibore kakanika yenayangaunit eong."

Aso abu ngin kolek akinyet adio kosodi ayangaun. Kosodi ngesi anyoun kangina kosodi ngesi aomoom, "Oo, karai bon eong kapedo aanyun Nges!" Kosodi ngin aridar toma kosodi adolore okek kanenice.

Kosodi, mam, mam kes esukunyikinitos Ngol. Aso abu ngin kolek abokis naka akinyet naka alabaster, kosodi apukor kosodi ailadakin mamake...akejeneKeng, kosodi agear ailot Akekeje. Kosodi ngin agear aimony, "Oo, ekoto korai Nges. Ngol nges loasiomenenei eong duc kotoma Obaibuli. Ajeni eong ebe emisiikini Ngesi ngun." Ido ibore yenisodit yenijeni ijo...Ebusiak bo lolo akipi nu kanuka Akekeje, akiyo nuka aitoronikin edounenete toma Akejeke. Amameotor ngin kaipuset kanu aipusia Akekeje kede ngin, aso abu ngin kotiro kuju kosodi alemun iketim. Apotu itim luegirir kere kobilibilunos, koleleete akiyo kwap koreeteke koipone kangol. Abu ngin kilot akejeneKeng, ido motimot [Itetemori Onac Branham aruo naka ainu-Ekewa.] ainui ngin Akejejen, ailot Akejenekeng koipone kangol.

107 Yesu kede akeje nuipwokuna, ido komamei itunganan yenapodokinit ngun. Ido lolo edakit Ngesi ekiror, loipwokuna kwape lokalaunan loibelibelo, ibore ngin arai ice koipone kangol, ido emameotor itunga katiting aibwo kanuKeng.

Ebwoki eong emusalaba lo lokalaunan,

Kiton atwanare alacakin eong

Ayangari eong ewai kede idis luemwangitai luka Ejakait,

Ageu eong. Yesu, Wu Ejakait, koyangarai eong. (Koyangar eong, Ejakait, mamace nueyangaikini.)

Kijaar eong, bala Yakob, apilo, amoru. Inyobo aitegelikinet iswamauni ngin? Nuabu Ngesi kiswamaik!

Kosodi amalayat na nakican kane, emonyi, ibwololoi. Ido ibore yenisodit yenijeni ijo, abwoi Simon kane, ekesa loti loabu koinak Ngol abunore, ebalu ebe, "Umm, umm, umm, umm! Itoduni ngin arai erai

Ngesi enabi arai mam, ti Nges kejenu eipone loka aberu naerai ngin." Loka esoswai ngol!

108 Aso akaulo na ngin angetakin...Ido mam Yesu abu isukunyik aKekejen, abu Ngesi kosalak iboie kosodi asesen ka aiteikinit ngin. Oo, aminakit eong ngin. Mam erai iboro luapolok luiswamai oni, erai iboro ludidik luijalakinit oni mam iswamam kacepakio. Abu Ngesi kosesen ngin, abu bon kosesen ngin kiboie kanen. Amamei itunganan yenapodokinit Nges; awasia, abu do ngin kotoma kanen emonyi ido kilosi akekejen, kosub bala abu kopodok ngun, abu kikama aomisio nuka itunga. Ido abu Ngol kosesen ngin asesen bon, mam abu kolim akirot.

Emojong Simon ebwoi kokau kanen kobala, "Umm! Koanyutu arai erai Ngesi enabi arai mam, mam yes ianyutu? Alimokit eong yes! Alimokit eong yes! Karai korai Ngesi enabi, ti Ngesi kejenu nuerai aberu ngin. Itei ijo, irai isio ekanisa loapolon kane, itei ijo, ijeni isio, kwangin. Ijeni isio ebe mam Nges erai enabi, ti Nges kejenu ngun."

109 Akaulo ngol...Akaulo na ngin angetakin, kojaas akiyo ngun nuka aitoronikin eleleete kwap koreeteke, apotu kilotasi akejen nuka Yesu. Ngesi...Eyuunit eong ebe abu Ngol kopup aitetunio.

Wu Edeke, ti eong epuda ajaut ngina! Ti eong elosit kes bobo. Eebo, ipa.

Etelepat, mam kereka ti aberu ejaunos kede apagalau aiput akejen kede iketim lolo? Ebuni ti ayangaikin nges aibwo kede akekou kanu aswam ngun, kanu adumun itim luilosikina kanu aipusia. Eebo, ipa, airebar ngul kere awai.

110 Konye ngina, akeje nuka Yesu amamei itunganan yena... (kojai erono), kiboie ileicikinite, elos ngol kotoma akejeneke. Abu ngin kilot Nges. Akaulo na Nges-akaulo na Nges angetakin, abu Ngesi kosesen ngin bala ti atemar ebe, "Eebo."

Abu kongolia, kobala ebe "Simon, kijaar Eong kibore yenilimokina ijo. Ibu ijo kisukunyik Eong ne, ido mam ijo ibu kisiriam Eong kokek. Mam ijo ibu koinak Eong adisikipi ailosia aKekejen. Mam ijo ibu kinyonyoik aKakou nealomuna Eong toma, alemar amwanis naka akolong awai kamaKang. Mam ijo Ibu koinak Eong ainu adio naka aisukunyunio nealomuna Eong toma. Konye aberu na nakican," (Oo, ikatunga.) "aberu na nakokinga, amalayat naka erot, amameotor ngesi kakipi kanu ailosia aKekejen ido abu ngin kilot aKekejen kede akekiyo. Amameotor ngin kidiobore yenikipuset ngun, aso abu ngin kolem iketim, aipusia ngun. Enyikoki ngesi ainu Akakejen. Kwana akoto Eong alimokin ijo: akediakanareta, nuipu, etimi nges." Nakabeit ngin, mam abu kolim idiobore yenikamunit nges. "Etimi, akonidiakanareta nuipu."

111 Ido lolo Yesu, ebwoi kokek loka iriongeta luka Pentekosit, iriongeta luka Baptist, iriongeta luka Methodist etamit abongor toma Pentekosit bobo, ido inacanacaete itunga Nges. Akaulo ijo...Akusikwapin ka iboro aremosi Ngesi kinga naka ekanisa, ebwoi Ngesi, kotamite, komonyi abongun toma bobo. Ido, oo, erai ibore yenepipil kakere yen aanyunitor eong kotoma aijaraka. Mam epudasi Nges! Nges, kinga, ikungukungi, etamit alomun toma. Ibore ngipengin etamit Ngesi aswam. Kanukinyo? Kanukinyo? Ajai Ngesi kinga.

112 Mam kesi apotu kocakutu Nges kinga. Aroko kesi ewoete nuKeng, alimonokinete nuikamunitos Ngesi, konye mam kes atwakiaritos Ngesi kakonyenekec. Edolit ngin. Enyikokinitos kesi cut alosit iingaren. Inyobo? Asesenete kesi die. Asesenete kesi akeceduketait. Abaritos kesi. Asesenete kesi erionget loepol loaajaas kesi toma, kotamitos adukun ngol, adumun imeeban luipu alomun toma ido mam kesi atwakiaritos Nges. Mam, mam. Mam kesi atwakiaritos einer kotoma angajepa, mam kes atwakiaritos aisiranareta nukapolok, nukaumokin nuka Edeke Loelomari kiton kwap toma otau kosodi aikep etau, atubor iboro luka akwap kosodi abocor ijo kwape emudunga. Oo, kes...

113 Arai kilimonok ijo kopone kangol kokanisakec, ecakunete kesi ijo kinga. Ido ngol nges eipone loalimonokinia Emoyo Lokalaunan. Abala Yesu ebe, "Yesi aur naka imusagan! Yesi-yesi imunuo kotoma anya!" Ido Yokana da abu iswama ngun, ka itunga lukaumokin luinyonyoikinitai, eweliwelete duc kesi aiboisio nuangopitotor ngul. Abeit ngin.

Konye mam kesi atwakiritos Nges, naarai amameotor kesi Ngun. Ianyu? Ajaatar kesi kede icebore yenanonok yenibamibami ikecepurian, kobala ebe, "Kolom ijo alomun bon, ibwaik ekonikiror ne, ido-ido eebo koraun emeeba. Kosodi alosit alemun akonipapula kokanisa kaje ido ijauni isio ijo. Ka-kaceda. Kwana, ebuni akonisumunet araut naetia ai ngolikaru?" Itei ijo, ngesi nen, "Ebarit, mam ipuda idiobore." Oo! Konye ipuda ijo ibore yenapolon kakere ido imameotor ijo Ngin, Yesu ebwoi kokinga kotamite abongun toma kede pentekosit.

114 Inyobodo iwomit ijo tikiswamaun atibong na kotoma okanisa loka Methodist karai Emoyo Lokalaunan adoun neejai ekanisa kosodete kesi ageun elulu, asomanar, einer kotoma angajepa kosodete asubit bala luemer...atukos naka itunga luemer...? Inyobo, ti Aurianet kecaka ekanisa ngol loka Methodist kinga naka Aurianet. Ijeni ijo ngun. Inyobo do tikiswamaun kotoma okanisa loka Baptist karai ti ngun aiswamaun? Ibore ngipengin. Luka Pentekosit? Kanukinyo, ejaas luipu kakesi, abu ibore ngipengin kiswaun. Abeit cut. Eebo, ipa, mam kesi eupakinos kede amamus aijen ngin. Tikes ketemasi ebe.

"Kanukinyo, amunaasi da kesi kiton kapets kosi luitetiak." A-ham, abeit. Ikatunga! Ikatunga! Eraas bo lolo kesi atukos naitimitoi biai. Abeit ngin.

115 Eebo, edolit, ajai sek Ngesi kede kes, aupasi Ngol kede kes kotoma akidingos naka ipirin luka atalai ikanykaarei luka esabu. Ido ejai abongokinet ne: iriongeta ka ikeceboro luka akwap, aanyanarakakec lueyaitos akwapin, ikaanyanarak luapolok, ka akecekwapin kere, apotu kirutasi Ngol kinga ido mam kes atwakiaritos Nges. Kosodi Ekanisa...

Kwana, inyobo ilosi oni aswam kanu ainyakun Ngol toma? Arai ejai Ngesi kinga naka ekanisa loka Pentekosit kwana, inyobo ilosi oni aswam kanu ainyakun Nges toma? Biai ebuni ayangaikin abootin nuipu nuka itunga kanu ainyakun Nges? Biai ebuni ayangaikin asekun ipaapa loitetet, aanyanaran lokapolon loitetet? Arai ebuni ayangaikin-ebuni-ebuni ayangaikin anyoun naka erionget loitetet. Mam eyangaikini ngin! Mam ngin ebuni aswam ngun. Erionget mam epedori aswam ngun, e-e-e-e-e-ekaanyanaran loitetet mam epedori aswam ngun, ekcekon loitetet mam epedori aswam ngun, ekalimonokinan loetacitai ejok mam epedori aswam ngun. Emamei ibore kotoma akwap yenepedorio aswam konye ijo elopet. Eipone ali itolomuna oni Nges toma? Mere kede aicak aseeta. Mam, ipa. Mam oni inyakuni Yesu toma kede aicak aseeta naarai mam Nges ebuni alomun toma.

Ikoni-ikoni neta "Arai epupu idiotunganan Ekaporoto kosodi angaar ekek." Kwana, ijeni oni loerai ekek. "Arai kengaa itunganan ekek, kopup Ekaporoto."

Mere-mere ebe, "Arai ediokanisa...Arai ediorionget..." Mam, ipa. Mam Nges iswamanaros kede ngul, etwakitos ngul ido edauna kageunet ber da. Elait Ngesi ngin, elait duc Ngesi ngin. Abala Ngesi ebe elait ngin! Ido elait Ngesi ngin kiton atibong na da!

116 "Konye arai idiotunganan," ediotunganan loka Methodist, ediotunganan loka Baptist, ediotunganan loka Presbyterian, arai ediotunganan loka Atulik, ediotunganan loka Church of God, etunganan loka Nazarene, etunganan loka Pentekosit. "Idiotunganan yenepupuni ekaporoto kosodi angaar ekek, alomuni Eong toma kasodi aimor kede nges, ngesi da keong." Ngin nges aisiiraret neejai ekanisa loka Pentekosit. Mere atamit aisikwarun erionget loka Pentekosit, konye aisikwarun Arereng naka Pentekosit kotoma kotau loka idiopediopen. Ngol bon nges eipone. "Ido amori Eong kede nges, ngesi da ka Eong."

117 Inyobo iswamai ekiyakia nejai ekanisa... ejai aisiiraret neejai ekanisa kisisianakini do oni, aisisianakin-aisisianakin oni? Mere apol kotoma Omoyo. Mam, ipa. Aijesar naka Emoyo, kijaar oni kaijesar ngolisawa. Eipone...Ikiyakia neejai ekanisa ka aisiiraret neejai nginitur naka ekanisa abu kotubok iriongeta. Kanginiisiraret neejai ekanisa, enyikokinit duc ekanisa aijesar ido mam apedori apupokin Ngin. Aisiiraret neejai ekanisa angerit iriongeta. Ido abu kiswamau Ekristayone loinyalal, kwape kenyaritere, abeit ngin, lumam ejenete idiobore yenikamunit Edeke araibo Emoyo Lokalaunan. Erai ngin nakabeit kwape abwoio eong kane atibong na. Imeeban luejokuka luejalalam, erai bon alekario kakitukuKe.

118 Abu Paul ikwenya ebe, araas imo atenu. Kwana, akoto eong ice kotoma kayesi, arai ipedori ijo, apukor Iromayon esula 11, ekokoro lo 15 kiton 27, tetere ijo iwadikai ngol, yesi kere. Kosodi do, kwape kiyapitor apak, abuni eong atakun na neejai ijo kwana naperoko enyouna, naarai erai e...Kwana, Iromayon, arai ikoto ijo aiwadik ngin, 11:15 kiton akaisarei-...kiton 27, abu Paul kolimok ngul, ebalala, inerasi kede Imo kangina, Iromayon, abu ngesi kotema ebe, "Arai Edeke..." Kwana, kopupok kwape kigolokina oni aturio nu nuka ekanisa! Abala Paul, "Arai...mam Edeke abu kitim emusabibu lokabeit, konye abu kotubo ngol awai kanuka amamus aiyuun."

Ngin erai nakabeit? Inyobo edupori kes etuborio awai? Naarai apotu kongeroto Pentekosit. Ngin edolit? Kotoma apaaran naka Pentekosit apotu kokwenatar ka ainyanakin Emoyo Lokalaunan.

Neajaar Yesu ne toma akwap, abala Ngesi ebe...Apotu konyarata-konyarata Ngesi, "Ebelesebul," abalas ebe "Erai Ngesi ejokit," ido "Erai ngesi ekadwaran," kaceda nuipu.

Abala Ngesi ebe, "Etimi Eong yesi kanuka ngun, konye kebu Emoyo Lokalaunan siri kereka ijo kiner idiobore asurwokin Ngol; naarai arai kiner ijo asurwokin Ngol mam kitimio ijo cut.

119 Ido kiitu ebe neabu Yesu kiyakiaria ikesisiak, "Mere alosit nejaas Imo." Ngin naabeit? "Konye diat kolototo nejaas amerekekin nueolioritos nuka Isirael."

Eipone ali apotu kesi kotubokiniata akecewat? Koipone kalo ainyanakin Emoyo Lokalaunan, anyara Emoyo loka Edeke ebe, "ibore yenemam elai." Kokienatar Ngol neekosiotor kwi kotoma Omoyo, kaceda kotoma apaaran naka Pentekosit. Koibuga kangopekangol, apotu kokienatar Ngol, abu Tito koyar kes kotoma kangina kosodete akeceokot aleleun kinga naka erute. Apotu kesi konyamata ikecedwe obe, ka nginibore kere, kotoma okar kangupekangul. Ido edolit ngin. Adiopet kotoma akwapin nukapolok kakwap abu koraun nadidi kakere, kosodete aisiarakin nejai ngini-... agoria aongon nuka akwap. Naarai kanukinyo? Amamus aiyuun! Ido arai ngol ekukut, ekitoi losodit, Isirael.

120 Ido mam kereka Paul ebalala kanen? Ingaibo adumu Naiwadikatai kanepokane cut? Idumu ijo Pat?

Konyou kobwo kosodi aisiom ageun okokoron 15 kito 27.

[Kosiomi Pat: *Naarai arai mam acakariokec erai aipuc naka akwapin, anyoin bodo eraun aisukunyikiokec dimarai aijar anyoun katwanare?-Ekewa]*

[*Naarai arai araito nageet erai nakalaunan, kwape kwangin alunguret da; arai da aliasit erai nakalaunan, kwape kwangin atenieik da.*]

[*Konye arai epakaritai ace katenieik, ijo da, eseituni loka ais kiraikinitai kidingikec, korau ikamoran yenika ajokis naka aliasit ka atumes naka ekitoi loka emusabibu;*]

[*Sirikiwolobob katenieik kangun. Arai kiwolobob, mere ijo idakit aliasit konye aliasit edakit ijo.*]

[*Aso kitemari atiar, kepakario atenieik ngun tetere keraikinio eong.*]

[*Abeit ngun. Kepakario kes kanuka amamus aiyuunikec,... -Ekewa.*]

Kopupok, "Amamus aiyuun!"

121 Eebo, kolot ngaren.

[*...ido da icasi kanuka aiyuunikon. Sirikiturokin konye koyong:-Ekewa.*]

[*Naarai arai mam Edeke itimit atenieik akulepek, mam kitimi ijo da.*]

[*Aso koany ajokis da adedeng naka Edeke; adedeng mama ejaas luibiroros, konye ajokis naka Edeke mamakon, arai kisalal ajokis ngin; arai mere kwangin ijo da kijepario.*]

[*Ka ngul da, arai mam isalito toma amamus aiyuun, iraikinio, naarai epedori Edeke airakin kes bobo.*]

[*Naarai arai kijepunitai ijo katorom naka eseituni loka ais, kiraikinitai oseituni lokoriot lomam erai einono, itelekarito cama atenieik akulepek airaikinio ainyakakin oseitunikec.*] Umm.

[*Naarai iinacan, akoto eong yesi ajenun aiyeiyea na kinyeis aomit bonik araut lukacoa, ebe, aninikiar atutubet naka Isirael aitodol naelomunia etiai kere loka Imo.*]

[*Kwangin itajario luka Isirael kere; kwape kiwadikaterere ebe, "Ebuni Ekalakunan KoSion, Isiyekari amamus ayongit Edeke kotoma Yakob:*]

[*Na da nges akaitutuket kakes, Naalemaria adiaakanaretakec.*]

122 Ijo ianyu Ngin? Abala Paul ebe, "Arai abu Isirael kolom kosodi aanyun aanyununeta kane nuka Emoyo Lokalaunan, kosodete atubor awai..." Kiitu, naarai apotu kesi kongeroto aisiraret naka Paul (Aibatiso kokiror loka Yesu, aitoronokin ka aibatisao kokiror loka Yesu, kotupanakinete aanyuneta ka nukaumokin ikeyuunak), kosodete kesi ainger Ngin. Ido apotu kesi kotemas ebe:

...koany, kibeloor nejaas Imo.

Ngin edolit? Aanyutu ber oni, eyuunit eong ebe arai ko...neageere anyara kes ebe Ikristayon, arai Epeso, Eebo, Antokia.

123 Kwana-kwana, arai-arai abu ekitoi losodit korai lokalaunan, aketenun da elaete, ekitoi losodit, ido naarai mam kes apotu kiyuutu Aisiiraret naka Pentekosit naalimonokini Paul (ngin erai kwangin?), abu Edeke kotubo kesi awai kosodi alemun eseituni loka ais (Loarai Imo, oni) kosodi aropikin oni toma tetere oni kijari awai naka atenu-...ibore yenika ekitoi kangol.

Kwana, ikonakini bodo ai kotoma apak kana nakingerio oni Aisiiraret naka Pentekosit naabu kotoma aturio nuka ekanisa, epedori bodo biai Edeke alemar eseituni ngol lomojong loka ais awai kama kangol, keja ace da, kosodi ainakin loce je alomun? Naarai abuni ngesi ainger Ngol, kanuka amamus aiyuun. Kwana korucok ngin kede asisia naka atupuruc kana. Ijenuni ijo nekibwoia oni, ijo tope mam? Kijai oni apak nakawasia kanuka alemario naka Ekanisa loka Imo, Auruporio kanuka Ngol; ka ainakinio naka Emoyo Lokalaunan kanu abunore mama ejaas Iyudayan, ka Yesu Kristo aitodikin kes, kosodi aipucakin ilukumin akwatat kakaisaongon ka luongon. Ikoni nen. Ainyakakin ekitoi losodit (ainyakakin neejai Arereng) neejai Isirael bobo.

124 Mam Yesu elosi abwa kokinga naka ekekikon kosodi aikungukung apak kere. Ejai apak naedumunia Ngesi luilosikina kosodi anyoun, ido ibuni do ijo aikungukung konye mam ijo ibuni adumun Nges. Kobia nape eroko apak. Kobia nape eroko aikungukung. Mam icamanaros kede idiobore yenimam erai Emoyo Lokalaunan kwape kakesi ko Pentekosit, kede aibatisao ngipengin naka akipi, iboro ngupengul luapotu kismamata kangina. Mam icamakini idiobore aibwaikin icebore toma otaukon adepar ngun.

125 Kwana, nei jaas yesi ipaperoka luka Atulik, mere ber eong kalimok ijo icebore, iyunitosi yesi abekot Mariam. Abekot Mariam, kwape toto naka Yesu Krsito, kejai ngin alosit kuju Pentekosit kosodi ailelebun kede Emoyo Lokalaunan, kosodi ngin asubit bala itunganan yenemera. Arai ngesi adiopet kotoma kangul akwatat akaisaarei, abu kodum aibatisao naka Emoyo Lokalaunan, kinera kotoma angajepa ido kosubite bala aberu naemera kokinga kanen, kokwap naka Emoyo loka Edeke. Ido arai abu koyangaik abekot Mariam ngun tetere elomari toma Aibuses, eipone ali ipedora ijo alomar tomaKe, kede idiobore yenemam erai ngun? Koomoom ngun. Abeit kereka ngin.

Loka Baptist...Ekalimonokinan ngol kokau kane ekoto ngesi ajenun ejok ebe kinerai ngun ne jaas luka Baptist da. Erai ngin kanuka idiotunganan, mam epodo arai erai ingai.

Aso alomar okanisa alomar kosodi einer aiyuuneta, ka alosit okanisa nginitupuruc Nasabiiti, mam epedori aiswamaikin ijo adiojokis. Ijai ijo bon akienar Edeke. Koraun arai Ekristayot obe arai mam mam do iraun idiobore cut. Koraun loimwana arai loililim. Araibo kojaun kinga...Naarai mam ijo ipedori araun...Mam ijo ianyunitor ikweny yenirionon kokwang, mam ijo ianyunitor etunganan loemera kocai akou, mam ijo ianyunitor ekadiakanaran-lokalaunan. Mam, mam ijo idumuni, mam ijo ipedori adumun ngul. Ilelebitai ijo kEmoyo Lokalaunan ido kojari Edeke kotomakon, arai mam mam do ijo irai cut. Irai ijo-ijo arai mam mam do ijo irai cut.

126 Aso kanuka ngun ibusakinit ijo-ibusakinit ijo aiitun ebe ebwoi Yesu kokekikon, ido kiitu aisumunet naka Edeke kane ebe ebuni Ngesi kotoma apaarasia kanu. Naarai kanukinyo? Ainger. Inyobo abu kidupo Isirael etuborio awai naka ekitoi losodit? Naarai apotu kesi kongeroto Aisiiraret naka Paul naka Pentekosit. Ido yesi iyuunito ebe erai na atur naka ekanisa nakawasia? Abala Ebaibuli kwangin! Ido inyobo elosi aiswamaikin kes? Elosio kes atubor awai kanu ainger Aisiiraret naka Pentekosit, kosodi do ebongori Edeke bobo ne jaas Iyudayan.

Kosodete aitajar Isirael kere kapak kangin, naarai ebuni Ngesi ayangar kesi kwape ateker, mere kwape idiopediopen. Konye nei jaas yesi kede eong erai idiopediopen, naarai abu Ngesi kobu ne jaas Imo kanu alemun "itunga kama e jaas Imo kanuka Ekekiror," Aketeran. "Itunga," ediopet kane, ediopet kalaije, ediopet kalailo, ido iswamanaros Ngesi kede oni kwape idiopediopen, ido komam apod ateker, aiyuunet, arai ejese. Iswamanaros Ngesi kede oni kwape idiopediopen, erai aKeturo nuibwaikini Ngesi otemuKe. Konye kwape Iyudayan, eswamanaros duc Ngesi kede Isirael kwape ateker, eraas kesi ateker naka itunga, aKekwap.

127 Eyalama eong atibong na ebe kijaar oni kAisiiraret na. Eyalama eong noi ebe aibu ijo kojaun, ido akonijaun esiyalamikinit eong noi. Eyalama eong noi neejai Edeke Lokapedor kere kanu Nges ainakin eong aanyun nuaanyu eong, ka apedor aitodolikin neejai ekanisa lo, ido kwana adaun kotauka, mam eong apedori aijangijangar Ngin awai, ajai eong alosit kede Ngin.

Ejaas iboro iarei luabu kapup aingarenikinio ti aswam.

Alosit Shreveport, Louisiana, kanu airiamun kede Onac Moore. Ido akaberu ngin iboie kanen epedori alimokin yes. Adaun isabiitin nepetai abeit eong ti aimony, "Akoto eong alosit Shreveport. *Kanukinyo?* Ido idiotunganan kere yenajai ngina Shreveport ejeni *kanukinyo* kwana. Mam kesi eanyunitotor arai akiirar idiobore kwape kangin. Ikalimonokinak eponitos kaiboisio kere, luka Baptist ka luegelegela. Abala etunganan ediopet ebe abu ngesi kogeu, aibwaikin akekan kuju naka asaduku naka akako, kosodi Emoyo Lokalaunan adoikin nges kosodi atemar ebe, "Kolot Shreveport, Louisiana, elimokinio ijo kangina nuebeit aswam." Abu eong alimok nges ekekiror ka nebeitor adumun...Ebala, "Elimokini ngesi ijo nuebeit aswam."

Abu eong katema ebe, "Engaara atapar naka akipi kokwap naka amadala. Ipuda ijo aibatisao naka Emoyo Lokalaunan." Ido kangina...

Aso iboro kwape kangul, itunga ineras, ido-ido kodwarete ka iboro luka amurwo iboro luapotu kismamaunos cut kangina kakidingosiwok.

128 Kasodi eong atemar ebe, "Ejai eong alosit Jefferconville kasodi aiwadik eitabo lo, naarai mam eong ajeni ebe aojau anyoin ajaatar eong kanu ajaut ne. Konye arai ketetem eong Na kosodi Ngin alomar toma aiwadikaeta, akaulo kalot eong esalakinete Akiro ejarete." Kijaar eong akiro nukolosek iwadikatai nuepote alosit alomar toma oitabo. Ido abunit eong ne ayangaun ngin akonyen nuka ekanisa kanu adumun ainyonyoikinio naka Emoyo Lokalaunan, naarai mam eong elopet abu ajeni iboro lu. Abeit ngin. Erai ngin kokiror loka Ejakait, erai abeit, "Mam eong abu kajeni kes."

kwana apupi eong alakunio, apupi eong ebe ayangau oni Edeke Aisiiraret. Eyuunit eong ijai oni toma awasia naka erot, eyuunit eong ebe erai apak na kanuka aitodiar naka Edeke aitejenunio kakidingosiwok. Ido mam eong ajeni ebe aojau anyoin ebuni araut, konye eyapie apak.

129 Ibuni oni aidarit kanu loepol ngol anyoun. Epedori ngesi abunore kotoma apaaranika, aticepak ebuni kotoma apaaran naedit, mam eong ajeni. Epedori ngesi kojai akidingosiwok kwana, mam oni kipedori alimun. Ejai Emoyo Lokalaunan ne aingarenikin oni kiton apak ngin, kosodi do neebunio Ekengarenon lo

ayangar oni ebuni ngesi asalit inyonyoikinitai kEmoyo Lokalaunan; e-ebuni Eliya, ejena ngin, loebait abunore. Konye ebuni ngesi araut engarenon loibelokini itauon luka idwe, arai, itauon luka idwe neejai Aisiiraret naka luka papa, ainyakar neejai Aisiiraret naka Papawok Lokotoma Akuj kotoma Apaaran naka Pentekosit neabu Ngesi kobukunio Ekemoyo.

Na da ikokoro ngin yenicici, ayangaunit eong koyapianara cut kwape ti apedoria eong kanuka akiro nukolo sek ka Ebaibuli, kasodi aitodun ebe ebuni ibore ngin anatar aturio kere nuka ekanisa, ido ngesi ngin lolo, abu kitodu ebe erionget erai ekenit kakonyen nuka Edeke. Amuno eong ebe asipokin ngin cut toma aomisiokus, kede Ebaibuli, ka aswamasio nuka ikiyakia, ka akiro nukolosek ka kere. Ngun...

130 Ido emamei cut apak karaida adiopet naabu Edeke itaraunia Ekekanisa erionget. Toto naka iriongeta nges adokena nuka ayaeta nuka Roman Katolik. Ekanisa loka Roman Katolik, nges erai toto naka iriongeta kere. Ido katipet napelomuni aisikwarunio kotoma atukos adio Naitepegi, ebongorete kesi bobo kosodi aswam ibore ngipengin. Ido abala Ebaibuli ebe, "Arai ngin amalayat. Ido ngin, ajaatar ngesi kadwe nuaraas ikanisan lukokingake." Ajai kesi araut angor, kanu araut amalayan. Engin kanen. Aso isipokinit oni...

131 Ido abala bobo Ngesi ebe, "Sirikurikaros, isipan yenididi, erai akote nakajokan naka Papakus ainakin yesi Akabakanut." Aso oni kere, kotoma apaaran kangin, yesi luka Methodist, Baptist, nupe irai ijo kere, "Kere yenengaari ekek, alomuni eong toma kasodi aimor kanges."

Kimarakinai oni, ikainacan, akainacan, kimarakinai oni toma osipan ngin yenididi kapaaran kangin. Araunos oni atutubet naka isipan kangin yenididi yenebuni aidarit apak naebunio Ngesi, kwape ebunio Ngesi adakar ngol anatar akwap kere. Naarai ebuni Auruporio anatar akwap kere. "Ejaunos iarei ojamu, ayangari Eong idiopet; iarei kotoma omanikor, ido ayangari Eong idiopet." Itodunit ebe ebuni araut akuar kotoma osiep ediopet loka akwap ido paaran kotoma osiep loce, itei ijo. Aso ikoni nen, "Ejaunos iarei toma ojamu, iarei toma omanikor," itei ijo, ayangari eong idiopet luka ngul."

132 Kwape alimunitor eong atupuruc na, ibuni ijo akerit aijesitoi korot adiopet kotoma apaarasia kanu, kineras kede toto, ido ibuni ijo angolengol, kedau sek ngin alosit. Ipote yesi aiboi komesa, komasete akusi-akusimajaani arai konyamete ikusinyamat luka atupuruc, arai-arai icebore, ido ibore yenisodit yenijeni ijo, ibuni ijo angolongol ido komamei papa bobo. Nakabeit ngin cut becebec. Ebunit, ido mam oni ijeni apak anyoin. Konye ibore yenikamunit ngin, neengetakinor engetakin, akepolou emamei bobo icebore yenipedori ijo aswam kanuikamunitos ngun. Ibala ijo ebe, "Apupunitor eong ngun kolosek." Konye ilosi ijo apupun ngin irwan nakawasia. Abeit kereka ngin. Elosi aiswamaun naarai erai Akirot naka Ejakait. Ido, kiitutu, Ngin ibiroro tope kadiopak kotoma akuaresia nu akanykauni nuadau eong alimonokini? Konye nua-nualimunit Yesu kane, etodolikinokos, kosodi aiswamaikin nginitur naka ekanisa cut becebec.

133 Ido iseseni oni atur na naka ekanisa cut kotomake, ido kotoma osawa kangopekangol. Karaida atupuruc na, kotoma aituput abekon, apak ngipengin neabu abekot najotoi...Kwana, kiitu ber ijo, abala Ebaibuli ebe abekot naejotoi...neekeunor elulu, "Koany, ebunit Eteran," abunore naka Ejakait, alimonokinio naka Akirot. Ido inyobo do abu kiswamaun? "Ayapu apak, iboomun luededeng ka nginibore kere ekapakina," ikalimonokinak ekerete kotoma orotin kosodete ageun aiworo Aisiiraret.

Ido katipet nape kiswamaunata kesi ngun, ekanisa loapolon apak ngin, abu abekot naejotoi kotema ebe, "Ah, eebo, irai lem isio luka Presbyterian adaun aojau, aticepak ti oni isisia kasodete angicun. Eebo, ijeni ijo, acamunit eong ebe ipuda oni Emoyo Lokalaunan." Ido ijai oni aiwadik apapulai ka nginibore kere nuikamunitos Ngin kwana, aitegear. Ido abalas kesi, "Biai ijo kiinakini isio nuka Ngin?"

Kosodete kesi atemar ebe, "Mam, kijaar isio nuilosikina kanukosi."

134 Aso neapotu kesi kolosiototo adumun Emoyo Lokalaunan, apotu kolototo ailip kuju, bala ikanisan, kwape iswamata ikanisan lutiok luibusiak lolo, iriongeta. Neapotu kesi kolosiototo adumun Akinyet, kobuni Eteran. Aso etamitos kesi adumun Ngol kwape kwana, ikanisan lukapolok, iriongeta, airiamununeta nuapolok nuka akwap kere kanuikamunitos Ngin kotoma-kotoma okanisan lueraas iriongeta, kobalas ebe, "Ejai oni abongor neejai Arereng naka Pentekosit. Ejai oni ajaut kede aitangal naka Edeke kotoma okanisa. Ekoto oni kajaas kede ikenerak kotoma angajepa. Ekoto oni kajaas kede ikejulak luka angajepa. Ekoto oni kajaas kede ainakineta nu kere nukomoyo kotoma okanisawok, ido ilosi kwana oni aitegear airiamununeta kasodete agear aswam ngun." Ejaas kesi aibwaanakin atukonokineta, ageutu aswam ngun. Nape elosete kesi aswam ngun, kerai kotoma apak ngipengin nges abu Eteran kobunio kosodi adumun ngul luajaatar kAkinyet kotoma atalai, kosodi alosit.

Kosodete do kesi abunore, ido inyobo abu kiswamaun? Aponi kes kocakarai toma amuton (apak naka Ican Luipu) nejaun aimony ka elulu ka airiamanakin ikel, kojai do Ateran toma Akuj. Oo, ikatunga!

135 Kosodi do kangeset naka ikar kangul iuni ka atutubet, ebuni Ngesi bala kwape abu Yosep kiswama kosodi aitejenun nejaas Ikeinacan. Ebuni ngin ayangaun aimony anatar aiboisio kere, ido epote kesi atemar...Epote ngul atiakatiak ikecekalia, kosodete aimony kosodete-kosodete atemar ebe, "Aibo

kidumakini Ijo amusungun ngun?" Kosodete-kosodete luecumete Nges...ngul luecumete Nges epote aanyun Nges, ido ebuni Ngesi aitejenikin nejaas Ikeinacan

Kwana etamit Ngesi aitejenun neejai EkanisaKe, ido aremosi ngul Ngesi kinga. Ido ereko Ngesi ebwoi, ikungukungi, kobala ebe "Ice araibo ideuna kotoma kanen? Ngin yenengaari ekek kosodi acamakin Eong alomun toma kasodi ainerakin kede ijo?"

136 Oo, eyalama eong, eyalama eong noi ebe nepetai...ikar luipu kau, nepetai ikar akaisaarei kalukany kau, abu eong kapup aikungukung ngin kotauka. Kasodi eong...Abu Ngesi kolom toma, ajai lem eong amori ka Nges ido Ngesi da keong ageun. Ido abu eong adum Arereng naka Pentekosit, abu kadum Emoyo Lokalaunan.

Aponi kebatisai kOkiror loka Yesu Kristo kanuka aisionio naka aibucanaretaka, apak adiopet bon naebatisatere eong kotoma ajaraka, irwan atipet. Nape aringa eong arai itelepat yenididi, amamei itunganan yenapedori alimokin eong ebe ajaas idekesio iuni. Mam ijo ipedori aimakakin ngin omurisingika. Mam ijo ipedori ainakin ngin neejai idiotunganan yenejeni adio...Yenejeni Loerai Edeke. Edolit ngin. Aso naebatisaere eong...Ekalimonokinan loka Baptist nges kebatisai eong. Abu eong katema ebe, "Akoto eong aibatisao kOkiror koka Ejakait Yesu Kristo." Dr Roy E. Davis nges ebatisai eong kOkiror loka Ejakait Yesu Kristo nape aringa eong arai itelepat yenididi. Ianyu? Edolit ngin. Aso abu eong-eong keyu ngin, asalakisi eong kede ngin, ido ajeni eong ebe erai Abeit. Erai Akivot naka Edeke Na eperonori. Edolit ngin. Eebo.

137 Eyalama eong noi ebe apedori eong alimun ebe arai eong idiopet kakesi,

Idiopet kakesi, idiopet kakesi,

Eyalama noi alimun ebe arai eong idiopet kakesi,

Idiopet kakesi, idiopet kakesi,

Eyalama noi alimun ebe arai eong idiopet kakesi.

Karaida mam luipu kotunga kalu esiomitos,

Arai aowolobob kajenara naka akwap,

Adumutu kesi kere Pentekositikec,

Ibatisatai kokiror loka Yesu;

Ido ejaas kwana alimonokin, luelwaka ka alueyapete,

Ebe eroko Akepedori ikoni nepenen,

Eyalama noi alimun ebe arai eong idiopet kakesi...

Ijo iyalama? Arai iyalama ijo ikeu akonikan kuju.

Idiopet kakesi, idiopet kakesi,

Eyalama noi alimun ebe arai eong idiopet kakesi;

(Kiraun ijo yeniKe ibuni ijo ajaun kuju naka adiakar kere, kOkiror loka Yesu Kristo.)

Kobia onaceka, komou arereng na

Naebuni ailotar ekonitau kama karonis,

Naebuni aitegear aruo na ikidei luaiyalama

Ido ebuni aidarit ekonitau kogirani;

Oo, enoke kwana kotoma otauca,

Oo, aibuses kojai neejai Ekekiror,

Eyalama noi alimun ebe arai eong idiopet kakesi.

Idiopet kakesi, idiopet kakesi,

Eyalama noi alimun ebe arai eong idiopet kakesi.

Idiopet kakesi, idiopet kakesi,

Eyalama noi alimun ebe arai eong idiopet kakesi.

Atukokina kesi agoola nakokuju,
 Kere kilipete kokiroriKe,
 Aponi kes kibatisai kEmoyo Lokalaunan,
 Kosodi apedor naka aijaanakin abunore;
 Kwana nuabu Ngesi kiswamaik ngul kapak kangin
 Iswamaikini ijo da ngupengun,
 Eyalama noi alimun ebe...
 Kwana keyoganakinos ber oni, iingaren, kau, ka osiepon.
 Idiopet kakesi, idiopet kakesi,
 Eyalama noi alimun ebe arai eong idiopet kakesi,
 Idiopet kakesi, idiopet kakesi,
 Eyalama noi alimun ebe arai eong idiopet kakesi.
 Idiopet kakesi, idiopet kakesi,
 Eyalama noi alimun ebe arai eong idiopet kakesi,
 Idiopet kakesi, idiopet kakesi,
 Eyalama noi alimun ebe arai eong idiopet kakesi,
 Idiopet kakesi, idiopet kakesi,
 Eyalama noi alimun ebe arai eong idiopet kakesi.
 Idiopet kakesi, idiopet kakesi,
 Eyalama noi alimun ebe arai eong idiopet kakesi.

Ijo mam iyalama ebe irai ijo idiopet kakesi? [Kotemari atukos ebe, "Eebo! Amen! Aleluia!"-Ekewa.] Aminakit eong ngin. Atukos naecelanar.

138 Shh! Shh! [Inera onac ece kotoma angajep ace. Koinakini onac ece aijulunet-Ekewa.] Eipone loisiyamikinitor isio Ijo, Papa, kanuka akonijokis ka aitimesia mamakosi, lumam ibusakinit. Aomoom ebe itogogongi Ijo Akonisiiraret kwana Ejakait, naibu Ijo kisumunikinite itunga. Elipi eong, Edeke, kosalakisi akonitimesia mamakec.

139 Arai ejai idio ne yenimam ejenunit Ngesi kwape Eketajaran, ido kipuda ijo adumun Nges kopekwana kotaukon kwape Eketajaran, konyou ber ijo kobwo kwape kijaikina ailip kanukon? Abala Ngesi ebe ebuni aswam ngun...abu kiswamau Aisiiraret na kangina ido akoto Ngesi aitogogong Akekirot mamakon. Arai ejaas ice ne lumam ejenete Ngesi ido komam edumunitotor Emoyo Lokalaunan, ineras Ngesi kede ijo.

Eebo, ijo ngol kokau kangina. Ijo ipedori anyoun aibwo, onac? [Inera onac ece kosipan-Ekewa.] Ekoto ngesi adumun aibatisao kotoma Omoyo Lokalauan, kesi ngun, onac? Kisirereng Edeke ijo. Kobwo kane ijai ijo. Ice bobo ejai yenipuda anyoun kosodi atemar ebe, "Akoto eong adumun aibatisao kede Emoyo Lokalaunan"? Kisirereng Edeke ijo, onac. Kisirereng Edeke ijo. Ejok ngin. Kobwo kakejenekon. Kosalak ijo ibwoi.

Icetunganan ejai bobo yenipuda adumun Emoyo Lokalaunan kosodi aibatisaun, ipuda ijo aitunio kotoma alip kopekwana, aibatisaun kede Emoyo Lokalaunan? Ice ejai bobo, eroko eong kelimuna ebe ajai kwana eong, arai ikoto ijo anyoun kosodete aimarakin ijo da?

Oo, ijo icamunit kimarakin kwape idiopet
 yenikosipaniKe? (Ijo iswamauni ngun?)
 Komameete kede alimakinet kotoma,
 Kokwenyi ido kidarakinite kanu aanyun
 ngun nusesena;
 Ebunit Ngesi bobo.

140 Ebunit Ngesi bobo. Ijo ikoto araut lokasurupuKe araibo ikoto ijo araut iKekoku? Edeke loenyunyura kotoma atupuruc kangin, emamei ibore yeneCamuni Ngesi dimarai Aokot nuka Yesu Kristo. Mam Ngesi ebuni acamun cut...Akonijaut okanisa mam ebuni araut ibore mamaKeng. Emamei ibore dimarai Aokot!

Oo, erai bo lolo alele ngin naketiai biai

Naeinakini eong akwangun bala akako; (...?...)

Emamei bobo acetapar najeni eong,

Emamei dimarai Aokot nuka Yesu.

Inyobo ilotari akadiakar?

Emamei dimarai Aokot nuka Yesu;

Inyo epedori aitangaleun eong cut?

Emamei dimarai Aokot nuka Yesu.

Oo, erai bo lolo alele ngin naketiai biai

Naeinakini eong akwangun bala akako;

Emamei bobo acetapar najeni eong,

Dimarai Aokot nuka Yesu.

[Kogeuni Onac Branham airukokin ekosio-Ekewa.]

Emamei dimarai Aokot nuka Yesu;

Na nges akadolit kere,

Dimarai Aokot nuka Yesu.

Ice bobo ejai?

Oo, epol etiai...(Emamei ibore yenePedori aibwo, onac, inac. Ejai akwap alumor, angetakin!)

...Kwape akako;

Emamei bobo acetapar

Dimarai Aokot nuka Yesu Kristo.

141 Motimot, Teddy, arai ipedori, "Ejai Atapar Naileleba Aokot, nueleleunitos kamoori nuka Emmanuel."

Kwana ipapero, yesi luibwoete kotamitos acamun ajijim naka Ejakait Yesu. Ebaibuli ngopengol loelimokinit oni ebe epote iboro lu aismamaun, nges abu kitodolik kes cut becebec koipone kalo esumunikinit Ngesi ngun. "Kwana, aismunet" abala Petero "erai nekus ka ikusidwe da ka nejaas ngul kere luelwaka, kwape enyaraunia Ejakait Edeke."

Ibu ijo konyou aibwo naarai ikoto ijo arereng naka Edeke kamakon. Ido kwape eKebulesit, elipakini eong ijo, abuni eong ailip ebe einakini Edeke ijo aibatisao naka Emoyo Lokalaunan. Ido mam eong ajeni arai ipedori ijo aswam nu kotaukon, arai ipeleikinit ijo, karai ijo kopedori ainakin aismunet na neejai Edeke: "Edeke, eong, ageun isawan lu, abwoi, amoot aibatisao na naka Emoyo Lokalaunan, abuni eong ainyikokinit ailip ka aidar Ijo aileleb eong kede Emoyo Lokalaunan." Ijo ipedori ainakin aismunet ngin neejai Edeke koipone kalo aikeun akonikanin? "Abuni eong anyikokinit ailip, kainyikokinit, kiton Ijo aileleb eong kede ajijim ka ajokis naka Emoyo."

142 Ainakini eong akailip kanukon kwape kitulurio oni awokokwes:

Papakosi Lokuju, eraas kesi ikopoi luka Akonijakut. Ejenete kesi ebe eraas akiro nu abeit eraas nuKon. Ejenete kesi ebe einakinitai ngun Emoyo Lokalaunan, naarai eraas Akirot naka Edeke. Ido esimonikinos kesi ebe ipudas kesi Ijo, ebe ipudas kesi ajijim naka Emoyo Lokalaunan kotoma ajarakec kanu ainakin kes apedor naipikori. "Edumunete kesi apedor kokuju," adumun apedor naka ajar ajar naka Ekristayone, adumun apedor naka aipikor acodununeta. Kwape abalar ekosio lo kipou isio awooto, "Atukokina kesi agoola naka okuju ido kilipete kOkiroriKe, aponi kesi kibatisai kede Emoyo Lokalaunan kosodi apedor naka aijaanakin abunore." Ngin kes ipudas kesi, apedor naka aijaanakin abunore mamakec.

Elipi eong Ijo, Papa, kwape ebunlesitiKon, kwape ianyunia Ijo kes ikeetos akecekanin, esumunikisi kesi mamaKon ka aismunet ebe mam kesi epote apalar, mam kes epote aibwaikin ngin awai, konye epote kesi ailip kiton Ijo aileleb kes, Ejakait, atutubet naisimonikini naka Ajakutukon Nakalaunan toma ajarakec.

Ainakini eong akailipa kanukec, Ejakait, kwape ebulesitiKon, ebe kilelebunos kesi kede Emoyo Lokalaunan. Ejakait, elipi eong ebe mam kes enyounete kokanisa kalo komam ngun kiswamauna, ebe epote kesi ajaut ne kiton nailelebere nginitau kede Emoyo Lokalaunan. Koinakinai ngin, Ejakait.

143 Irai Ijo Edeke, Lokapedor kere, ibu Ijo kitodiar kotoma akuan kanu alemar awai adiaakanareta nuka akwapin. Ibu Ijo kojaru kapaaran nakiuniet, ibu kodoka toma akuj. Ido ijai ijo ne atibong na, kotoma akidingos kosi, ido kotoma okiror loka Emoyo Lokalaunan. Ido kilipi isio, Papa, ebe Ijo, Ejakaitkosi loketiai, ilelebikin Ijo nginidiopet kakesi kede Ijo Elopel. Ido koraunos kesi a-arereng neejai Akabakanutukon ka kotoma akwap naebunit. Ido adiope paaran naidolokinio Jo angetakinet naka erot, naepedori araun lolo da, mam isio ijeni apak naejaunor. Konye apedo eong, Ejakait; emarakin eong araut ediopet loalosi toma Auruporio. Koraunos lu luelosete toma Auruporio. Idiotunganan kere, Ajaukut naka Edeke ka kere luilelebas kede Emoyo, luebeitos Edeke, kolototo toma Auruporio.

Kitolomik lu toma atibong na, Papa. Eraas kesi lukon kwana, etitingikini eong kes neijai Ijo. Kokiror loka Yesu Kristo. Amen.

144 Kwana akoto eong yesi kere luibwoete kosiep naka itunga kalu, lujiaas kede Emoyo Lokalaunan, konyoutu, kidokokisi akusikanin mamakec.

...atapar naileleba aokot,
 Nueleleunitos kamoori nuka Emmanuel,
 Ido ikadiakanarak kelumosi toma akalele ngin,
 Ilotarete ailimakinetekec naka adiakar,
 Ilotarete ailimakinetekec naka adiakar,
 Ilotarete ailimakinetekec naka adiakar,
 Ido ikadiakanarak kelumosi toma akalele ngin,
 Ilotarete ailimakinetekec naka adiakar.
 Ekokolan je loatwani kiyalamikin aanyun
 Atan ngin kapaaranike;
 Ido kanen eong da, karaida arono kwape kangesi,
 Kelota akadiakanareta kere.
 Kelotai akadiakanareta kere,
 Kelota akadiakanareta kere;
 Ido ikadiakanarak kelumosi toma akalele ngin,
 Kalema akadiakanareta

145 Kwana kikeutu akusikanin Neejai Edeke kosodete ainakin nges aiturio. Kotema, "Eyalama, Ejakait. Anyouni eong aibwo kakejeneka, ainakini Ijo amaio. Esiyalamikini Ijo kanuka aKonirerengusio, kanuka aKonijokis, ido kanu ainakin eong aibatisao naka Emoyo Lokalaunan." Eyalama noi, Ejakait! Eyalama, Ejakait! Eyalama, Edeke lominat, kanu ainakin isio...idarit Ijo aKoniisumunet, ibala Ijo kwangin. Kiyuunit isio Ijo.

146 Ijo mam iyalama? Kotema, "Kituritete Ejakait!" Teddy, koinakinai eong...irwan atipet ber bobo, "Idumuni oni itunga luipu lumam epedorete amisiikin..." Eputosi Ne Bala Kuju Kamaka.

Idumuni oni itunga luipu lumam epedorete ajenun
 Apolou nakiyalamar oni noi ido kalacakina;
 Kitubor oni juwai naka Yorodan neejai Kanan akwap najokan,
 Ido eputos ne bala Akuj kamaka.
 Oo, eputosi ne bala Akuj kamaka,
 Oo, eputos ne bala Akuj kamaka;
 Oo, kitubor oni juwai naka Yorodan neejai Kanan akwap najokan,

Ido esubit ne bala Akuj kamaka.
 Oo, neeyalamikinor eong, awoi eong ido acelanar,
 Mam ajokit iyuunit Ngin, aseseni eong;
 Konye elelebas eong kede Emoyo Lokalaunan, emamei abunokin,
 Ido ngin nges ationis kede eong.
 Oo, ngin nges a...Akuj mamaka, (Kituritete Edeke!)
 Oo, eputos ne bala Akuj mamaka;
 Atubor eong juwai naka Yorodan nejai Kanan akwap nakajokan,
 Ido eputos ne bala Akuj mamaka.

147 Ngin mam einakinit ijo aiyalama? Ejok. Iyogaikinos kede icetunganan, kotema ebe, "Kituritete Ejakait!"
 Eputosi ne bala Akuj, Ejakait.

Koyanga Ekiror loka Yesu kede ijo,
 Ikoku yenaiturur ka ican;
 Einakini ijo aiyalama ka ainapakin,
 Koyanga Nges neilosu ijo kere.
 Ekiror loketiai, Oo, eipone loejjimar!
 Amun naka akwap ka aiyalama naka Akuj;
 Ekiror loketiai, Oo eipone loejjimar!
 Amun naka akwap ka aiyalama naka Akuj.
 Ailur kOkiror loka Yesu,
 Abirokin kwap AkejeneKe,
 Kitanapi Nges aboko kwape Ekabaka loka ikabakan kotoma Akuj,
 Kengetakin awokolosit.
 Ekiror loketiai, Oo, eipone loejjimar!
 Amun naka akwap ka aiyalama naka Akuj;
 Ekiror loketiai, Oo eipone loejjimar! (Eipone loejjimar!)
 Amun naka akwap ka aiyalama naka Akuj.
 Kwana, elilinga, kede awokokwes kolurete kwap:
 ...ekiror loka Yesu apaarasia kere,
 Kwape ebuku kama ejai adiotego kere;
 Kilukutu ijo aitemisio,
 Kiyengak Ekiror ngol lokalaunan kotoma ailip.
 Ekiror loketiai, Oo, eipone loejjimar!



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7